

近代中國史料叢刊續編第二十一輯
沈雲龍主編

湘潭袁氏家集

袁榮法編

袁思亮著：①葭菴詩集②冷芸詞

文海出版社
有限公司
印行

覆菴詩集卷上

湘潭袁思亮伯夔

目錄

春風

感事用瑟君韵却寄

天隨再疊前韵索和漫成一首

初度日三疊天隨韵自嘲兼謝藏醞之惠

婁公屬題晚華字幅

贈姜慧波

四疊韵呈環天天放天隨映盦諸公

送春

題劉蔥石丈枕雷圖

客有勸余蒔花者詩以見意

偶成

爲陳叔通題其先德藍洲先生畫卷

示仲弟子法

壽程子大六十

甲子五月下澣謁敬原文人西湖寓廬留數日歸賦詩寄懷兼呈閑止杜園誠齋映庵

乞和

清漣寺觀魚

嗟哉行

映庵暑夜湖上納涼疊前韵杜園誠齋均有和作再疊韵報之

哀湘災疊前韵

六月廿二夜飯映庵宅中露坐取涼漫膚不汗意至酣適映庵因爲言湖居苦熱狀四

疊韵簡映庵並寄散原閑止杜園三丈人南生十二兄杭州

讀史記越世家陶朱之明哲悼子胥之愚忠五疊前韻

閑止丈寄示五疊韻適有所感六疊韻報之

閑止丈寄示倒押韻二首蓋六疊矣因仿其體七疊韻報之兼呈散原丈人

八疊韻簡映庵兼促和作

暮春既望從散原丈人泛月西湖清景可念印度詩人泰戈爾與丈人湖樓攝影尤爲

佳話湖吁迭唱緬懷曩遊追紀以詩九疊前韻呈丈人

十疊前韻再呈閑止丈人

西湖行十一疊前韻呈散原丈人

七夕詞十二疊前韻

友人所見某公所爲詩矜古炫博義實膚淺近世學子所由欲廢雅言也過猶不及蓋

兩失之輒發其意十三疊前韻

墮地忽爲我四首

雲月篇

鈔詩

吾家湘潭五雲峰下不歸者十年矣頃有鄉中故人來話及之兼及近事有感十四疊

前韻

奉答遜初三兄見寄之作十五疊前韻

寄懷無畏丈人廣州十六疊前韻

與客話近事有感十七疊前韻

八月十一日大雨平地積水數尺余以車迓散原丈人塘山路赴余倦知丈之招車行

水中若輪舶之於江河亦奇觀也瓶丈憚而回車中間雨少止酒半雨忽大至午夜

始霽散原丈人命紀以詩十八疊前韻

壽曾重伯丈六十

奉和倦知丈人病起元韻

獨坐

用前韵題映庵齋壁

哭瘿公

乙丑正月望日家母七十有九誕辰資詩文書畫爲壽謹賦謝

乙丑上巳大雨雪以風瓶齋閑止倦知三丈人皆紀之以詩余亦繼作卽次瓶丈元韵

題溫尹侍郎校詞圖

陳君佩蘅自營生壙於晚香別墅倦知老人爲索詩

聖約翰學堂看豫章

乙丑七月廿一日散原丈人書來言滿覺壠桂作花正盛越一二日將剪向街頭賣不

得看矣余以廿三日午蒞杭州輿而往則萬花都盡僅寺宇及人家院落中偶有存

者耳太息久之歸賦此詩呈同遊諸公

哈同園看芙蓉因憶癸亥中秋夕與瘿公梅泉玉霜會飲於此酒罷移鐙水榭玉霜爲

度數曲宿鳥振翼潛鱗跳波賓主盡酣勝遊斯極風景不殊而瘦公墓有宿草矣俛

仰興懷淒然有作

徐園聽歌有作

自題名刺

乙丑重九日偕映庵梅泉及姪法遊半淞園暮歸過台生飲

宴集映庵園居月下看菊

梅泉寫示和太夷丈天津重九登高詩次韻奉酬

蒿庵丈兩疊前韻見酬再次韻一首

五疊韻答馮蒿庵丈

六疊韻奉和散原閑止兩丈人飲蒼虬湖居兼懷茗雪京師

余居無園池亭榭之勝坐臥一室客有病其隘者作此廣之八疊前韻

答散原閑止兩丈湖隄晚步之作三疊前韻

十月十二日由滬赴杭州遜兄湖居四疊前韵

抵杭後散原閑止杜園三丈人用江風體賦詩次韵一首

過仁先湖居承以所繪秋林圖及蒼虬閣詩卷見貽並出示靈山八勝雷峯八景唐賢

詩意三小冊子精美無倫披翫不去手仁先許爲余作一冊賦此報謝且堅息壤

和庸庵尙書丈寄廬卽席詩韵

陳杏驄同年別十餘年矣忽以九日登高詩見寄次韵答之

客歲散原閑止兩丈人自超山探梅歸詫於人曰壯哉觀也天下之勝以梅名者莫之

過焉期今年花時重游余與映庵叔通遜兄荃弟約行有日矣已而映庵叔通及余

各以事不果往用東坡聚星堂雪詩韵想像其勝且以解嘲

再疊前韵寄遜兄荃弟謝超山探梅之約勿能從也

飲鷓寄廬看櫻花瓶丈有詩次韵奉酬卽呈主人兼示同座

壽庸庵尙書丈七十

爲陳叔通題所藏沈寐叟畫山水

爲瑤卿供奉題瘦公楷書詩卷

太夷丈招飲海藏樓有詩敬次原韻

容園宴集倦丈有詩次韻奉答

遜兄自杭移家來滬鄰吾廬而居疊前韻賦贈

次韻賦忽雷

半淞園坐雨同散原環天壽丞三丈人彥通七兄

輓蒿庵丈

哭張子武同年

戊辰先立春八日夜雪

題焦桐清陰館圖

哭徐仲可

雨後游狼山觀音巖

感春

哭陳士可

書憤呈散原文人

戊辰八月梅泉招同公渚陪散原彊邨病山三丈人泛舟吳淞賦此報謝兼呈諸公

壽梅泉五十

崇陵補樹圖爲翰怡京卿題

壽譚无畏丈五十

戊辰除夕次韵和倦知丈

蘧菴詩集卷上

湘潭袁思亮伯夔

春風

萬物久寥寂一吹天地暄
侵淫出谿谷爛熳及郊原
高閣寒仍峭幽閨思轉繁
如何有搖落紅雨燕泥翻
辛苦東皇意殷勤卒未休
度簾飄笛怨拂檻亂花愁
脉脉侵羅幕泠泠動玉鉤
年時慣相識為汝怯登樓
感事用瑟君韻卻寄

玉斗何人拔劍撞夏陽
一羣費嬰缸四方多難誰能一

兩貴相爭不可雙
坐看龍蛇成劫運
儘教蠹蝸出枯腔
螳螂黃雀渾閒事
年少彈丸未肯降

紛紛戰代太無名
冠蓋依然滿上京
來信天河能洗甲
誰憐人海半呼庚
無君久已漸夷狄
同室何堪鬪弟兄
愁絕江頭嗚咽水
替人時作不平鳴

天隨再疊前韻索和漫成一首

和詩如償逋傍徨成坐起
苦吟一字難乍得還自喜
微茫窮冥搜萬象森列几
拾取貴矜慎焉能門侈靡
况乃詩律嚴毫釐謬千里
慙無倚馬才七步空憎企
恐嘲匡

盧瀑不為惡詩洗避世舍吾所甘餘勇憂未弭何如張酒
陣朝來酌春醴

初度日三疊天隨韻自嘲兼謝藏醴之惠

混沌胚胎初墮地萬緣起識字始憂患中年襟悲喜憶
我少壯日高論時抵几意氣亦何盛顧盼千夫靡自從
遺喪亂浮家作鄉里四十名無稱懷慚古人企坐愁頰
洞傾不聞甲兵洗惟餘親朋情耿耿未忘弭且復相邀
遮多君惠嘉醴

瘦公屬題晚華字幅

多少放翁詩句在梅郎端合寫梅詩詩中恰有齊郎字
珍重薰香好護持

妙舞清歌久擅場還將嫵媚擬鍾王笑他著作羅昭諫
不及梅家有墨莊

贈姜慧波

愛讀君家白石詞小紅低唱憶當時何如昨夜風流甚
笑對梅花喚桂枝

四疊韻呈環天天放天隨吹盃諸公

造物不仁翳狗戲萬類芸芸襟駕驥啣石終憐精衛愚

曳繩翻羨蜘蛛智但聞桂闕有人奔何處桃源堪世避
控訴徒尊折獄官追呼倍遣催租吏梯霞摘月欲行天
馭電排風能縮地升木教猱侈械心棄人用犬驅黔喙
未下神蠶織女機俄驚天狗蚩尤幟蟲沙戩劫事誠哀
虎豹當關威可畏捫蝨爭為借箸籌解牛竟許操刀試
景教崇天石作碑牟尼布地金為寺已向重瀛譯異書
還誇三島成游記羣看窄袖織裙青無復莪冠飄羽翠
變政空存周召名相煎自虐黃農商訓子誰遺熊膽丸
累人甯止豬肝嗜鴻鵠西風急稻梁蟪蛄朝露同榮悴

歧途長惜世人迷此事要關天帝醉廢池喬木厭言兵
府海官山猶競利流離行路首如蓬飢饉居民面留菜
安得飛熊入夢來相期鳴鳳朝陽至留與餘年見太平
詠歌金石垂無既

送春

汝自堂堂去年年苦送迎漸驚青鬢改愁對濁醪傾不
息自今古如環悟死生毋為更惆悵來日正崢嶸

都向閒中盡翻興去日思人情惟惜別吾意獨傷時風
雨猶能如芬芳不可持請看原上路蔓草自離離

題劉憲石文枕雷圖

橫理庚庚不可彈閣中雙枕玉森寒
一千年外興亡史都向華胥夢裏看

曾在唐家供奉來蕭條異代有千哀
即今神物飄零盡祇與人間作盜媒

又傳嘉話繼延津漆與丹青
故事新庭院深深松鶴老此中高臥有遺民

客有勸余蒔花者詩以見意

灌溉經年苦未休
專前幾日得相酬
多生已自成愁種

莫向人間更種愁

祇將顏色答深知又遣飄零作去思
雨露栽培霜霰妬紛紛恩怨欲何為

草長鶯飛三月天襟花生樹自成妍
野人籬落無賓主到處相逢一莞然

偶成

羅雀間門不見人據梧惟著獨吟身
夢回枕上驚風雨物我無心自主賓

為陳叔通題其先德藍洲先生畫卷

吳兀盈尺紙雲煙莽寥廓繞屋橫斜枝吹息如可嚼舊
游忽在眼直欲躡芒屨想見下筆時孤山手中落先生
漢循良試政昔在鄂矯俗奮孤鶩百鳥翔一鷄卑枝竄
久羈終焉脫增繳歸飲湖山氣孕胸萬邱壑補植百株
梅日日費腰腳謂毋令林道千載笑寂寞生晚惜不逢
風流契吳漢且喜從二難警歎得矩矱此幅叔所持珍
護祕囊橐取映傳家集貽謀豈云薄空香襲寤寐永懷
知有託

廉吏歸來媚幽獨欲向湖山結茅屋囊空未辦買山錢

寫入刻藤作橫幅一灣流水萬梅花託根疑在孤山麓
人生何處是吾家此事籌之應已熟湖山清淑無盡期
天地付與誰能私貴官豪賈盛園園樓臺金碧連參差
抗塵走俗不得住遊賞未終行已去幾度經過春復秋
又歎門庭易新主何如清白貽子孫丹青不泯棲精魂
知君摩挲日百遍元氣猶濕揮毫痕

示仲弟子法

有客有客來過我譏汝才藝何紛紛芸芸為言嗜古識奇字
能作篆籀書八分審音辨律到詞曲被服組纂柯能續紛

句輟磔格肖蠻語重譯猶習旁行文男兒身手亦自好
快劍斫擊龍蝨蝨餘事潑墨探畫苑胸次盪出雲衡山
我聞大笑謝客去亦有阿買張吾軍雖然汝慎勿自畫
道豈在是毋徒勤世間萬事報孝友益以經訓為耕耘
培壅嘉禾去稂莠長養和氣銷稂氣持此經國有餘裕
況於藝也何足云鬱積磅礴快宣洩騰射光燄吹芳芬
即今闡然世莫識寤寐亦足娛天君時危萬族急功利
六經雖在逾秦焚洛水猛獸禍未烈以亂治亂絲愈棼
淑身牖世責有在邦無道穀非所欣嗟汝早孤恃汝母

鞠育辛苦忘昏昕汝今行年未弱冠已自嶽嶽超其羣
願言尚志企聖域猶能為汝誦所聞

壽程子大六十

人生才智各有涯有能不能空咨嗟東坡先生天所厚
政事氣節完無瑕詩詞文賦並奇絕餘事書畫猶名家
前無古人後來者落落千載誰能加並世乃有十髮叟
公之所能無不有仕宦顯晦雖殊科亦博循聲在人口
石渠詩卷鹿川詞晚歲為文尤不苟公專畫竹叟畫石
雪浪奇峰落吾手公書磅礴難遽同叟書篆隸能兼工

即論嗜酒亦相似少飲輒醉時復中公遭盛時叟所羨
叟之所遭公不見閉門講學扶人倫欲以六經康世變
獨有一事公不如糟糠替老鴻光廬雖無穎濱有邁過
假以耄耄能乘除辨香南豐吾敢擬惟不能詩差可比
雷門布鼓叟莫訶引為大笑蒼顏配

甲子五月下泮謁散原文人西湖寓廬留數日歸賦詩

寄懷兼呈關止杜園誠齋映庵乞和

披熱不為西子湖為謁先生湖上居昔年阿兄管此屋
而我不到空踟躕一昨升堂撰杖履當階花木交扶疏

危樓聳出面空闊照映四壁荆闕圖畫長小閣挂額坐
柳風入檻飄髣髴湖山蔥蘢鬱佳氣吐納萬息餐清腴
水雲先生老自放隔籬得酒時相呼莊諧襍出富名理
睥睨豪傑容迂愚比鄰詩人三五輩往往唱和吹笙等
朝携暮挾廢賓主百遍不復勞車與亂離避地有至樂
天意以此私真儒我行為客得小住愁霖三日傾天衢
雖然傳食飽難黍卒爾惜別難為娛歸來斗室卧寂寞
但有魂夢縈精廬孤吟躑躅笑童僕棘喉勾吻搜腸枯
願挹餘潤相濡濡咳唾報我璣與珠毋令張壘成嗟吁

清遠寺觀魚

甃石疏泉一勺深
錦鱗戢戢任浮沉
在山豈有殃池火
投餌猶分布金地
莫遣河間成一笑
未妨濠上且相尋
風雷大壑龍蛇動
誰識鯤鵬萬里心

嗟哉行

噉膚攢白鳥
聒耳謹青蠅
么麼易繁殖
撲殺不可勝
金風條寒霜
瑟縮失所憑
性命固已微
舉族銷嚴凝
飄魂訴真宰
降罰胡不均
下界名利場
走趨小人朋
逐熱追腥羶
營營同一憎
黨徒滿要路
有若犬與鷹
載渠弄魁

柄連茹要同升，狂狷互噬啣。各矜爪嘴能，盪腦吮膏血。
痛毒百倍增，肥身飽其孥。曠目誰敢攫，不聞赫斯怒。
一痛創懲吾，儕細已甚凍餓。為埃塵共此覆，轉中毋乃
太不仁。帝曰爾夏蟲，何由可語冰。天工人其代，爾曹烏
足繩。聰明作元后，圖籙景命膺。制禮樂，刑政猶吾四時。
行兇殘，有投畀賢俊，無遺金亦有不若德。予乃降咎徵，
往往易大位。王者時，岫興惟予有耳目，視聽恒在民。
群偶軼出一唱萬口，磨過之若過川。潰決彌滔騰鴻鈞，
所消息和沴相除。乘吾將恣推轉時，至反其真人紀自。

不減宇宙終清明
蠢茲叢爾類
吾不絕爾韻
猶能蠢世間
當暑一飛鳴
於爾亦已厚
何為復云云
再拜辭帝閣
無言祇聲吞
伊豈不自量
嗟哉徒薨薨

吹庵暑夜湖上納涼疊前韵社園誠齋均有和作再疊

韵報之

新詩驕我錢唐湖
我亦悵望嗟
離居頗聞湖山未
宜暑命駕欲發仍踟
躕有物綿綿契神
理蹤跡寡論密與
疏况復詩筒日還
往何啻對飲留畫
圖亦有小園足吟
賞時逗柳眼接花
鬚書齋寢饋恣咀
嚼古味濃郁酣華
腴

繩牀篔簹枕午夢足檐際好鳥相鳴呼雙扉盡閉無剝啄
避世聊可全吾愚安能齊門濫吹竽但欲載道文為與
世方佞佛紛逃儒迷陽^御曲遺康衢斗室孤抱祇自娛
萬物所息同蘧廬孰集於菟孰集枯吾儕如魚沫相濡
錯落投贈懷中珠彼哉騰笑云何吁吹庵和詩有見當
笑謂君集枯之句
蓋指南通某公
也故篇末及之

哀湘災壘前韻

桑田萬頃堤重湖水性就下失所居玄冥上訴顛頊怒
建瓴倒瀉無踟躕雨頗流湛有先兆蛟卵不伐寧非疏

山童泉脈閉宣洩積潦猝發難為圖誅伐絕理陰解舍
厥咎害稼如冕鬚丁壬婚媾忽讎寇火維千里墟膏腴
況今何止十日出浸以洪水疑堯呼在濟駕空霹靂走
一洗萬族空賢愚偶然脫命榘木末腥風搜攬聲哀宇
不信神州有沉陸驚看舟楫成車輿困倉紅腐飽螭腹
豈有囊粟餐侏儒饒叻吐嵒翔九衢益池內濼徒爾娛
蒸雲鬼驅勢欲壓恍惚銀漢浮田廬帝閣沉沉不可叩
傾河注海已眼枯誰能拔劍救溺濡沉淵搜取驪龍珠
張皇天討嗚呼

六月廿二夜飯映庵宅中露坐取涼漫膚不汗意至酣
適映庵因為言湖居苦熱狀四疊韻簡映庵並寄散

原闕止杜園三丈人南生十二兒杭州

火雲炯炯山繞湖有若釜甑蒸湫居湖濱追涼風炙面
夜半欲返還踟躕但言有風聊勝無露坐且便禮法疏
卻愁夜短蚪箭促竟夕不寐何所圖起看游人各散去
漸有寒露沾吟鬚歸來勉強就枕席多汗不論瘡與腴
轉展千息睡初熟穿牀旭日鷲軒呼夏侯語我復自笑
有宅不歸毋乃愚一畝之宮三畝園天遠風海氣調松等

雖在人境異喧寂巾車出入如腰輿園蔬可擷水可釣
亦有粗糲餐腐儒階前坐久不知暑絕勝開第康莊衢
湖居適那可比仄昨日良娛我苦今日娛我亦樂此不忍去
彌憶湖上幽人廬安得甘雨露天濡涼颼颼吹明珠
盡洗煩溽無焦吁

讀文記越世家嘉陶朱之明哲悼子胥之愚忠五疊前
韻

一夜扁舟歸五湖偉哉成功能不居敝屣軒冕露跡
越網百密終一疏烏啄雖利安能圖男兒不負眉與鬚

富貴自致非天腴姓名猶恐時人呼敵盡不退種則惡
何取相印污符等吳宮美人從舟輿貨殖古有治生儒
大隱豈邱壑塵衢千金屢散聊爾娛子胥已足報闔廬
硜硜忠信遺滌枯屬鏤血縷何濡濡東門眸子懸雙珠
濤聲萬古聞長吁

閑止丈寄示五疊韻道有所感六疊韻報之
今我不樂羈江湖滔滔天下將安居攬轡四顧長踟躕
故交零落新知疏眼中萬事誰可圖鬢髮未白先白鬚
荊面不許成霜腴有時放意從歌呼夏天翻笑杞人愚

清風泠泠和仙竽
悅馭神馬乘尻輿
窮年屹屹漸一儒
妾得軌範置中衢
盡化愁苦為歡娛
戶樂顏巷家陶廬
昌昌萬物稀其枯
霜露所降同涵濡
舉世不寶玉與珠
但寶太璞無吁吁

閑止文

寄示

因倒押韻二首蓋七疊矣因仿其體七疊韻

報之兼呈散原文人

苦吟我類寒蟲吁
先生獨握靈蛇珠
淋漓大筆恣染濡
狂搜險覓墨不枯
玉堂回首天上廬
長安看花真可娛
手提玉尺馳皇衢
裁裁冠帶趨師儒
河汾晚駕方伯輿

忽泣慈竹摧哀等盲風怪雨來天憑匹夫攘臂奮一呼
十年坐禪九州腴人人眉宇矜虬鬚負販走卒皆雄圖
先生長貧與世疏硯田可食猶踟躕且喜坊鄰白傅居
眼中不負惟西湖

八疊韻簡味庵兼促和作

氣吞五岳兼五湖盤礴灑瀚胸中居才多學博律轉細
吟安一字勞踟躕夙治訓詁究嘉韻蟲魚瑣瑣窮箋疏
摩空擲地作文賦餘事更譜金荃圖少年亦喜逞姿媚
不惜脂粉污眉鬚一朝天骨忽老硬烹煉六籍收精腴

蒼松夜挾寒濤呼嘖合元籟嬰兒愚豈惟齊梁等覆瓿
亦薄鄭衛張鳴等我慙駑馬不自量十駕欲及追風與
不工雖多亦奚益儘日擁鼻嘲酸儒巨川茫茫不可涉
苦覓途徑窺度衢君於此事實先導糾譎匡謬宜調娛
幾日數過康橋廬清風彌襟暑不枯深談若揭肺腑出
心醉何啻醇醪濡待君冥搜九淵底哭兀擊出千金珠
頓使吾曹避三舍舌橋不下成驚吁

暮春既望從散原丈人泛月西湖清景可念印度詩人
秦戈爾與丈人湖樓攝影尤為佳話湖吁迭唱緬懷

曩遊追紀以詩九疊前韻呈丈人

先生夜泛歸南湖洞簫吹徹鮫人居雨月在手天在水
低昂星漢為踟躕別有勝會古所無失此不紀毋乃疏
天竺詩人萬里來湖樓對影留真圖詩人古貌自奇偉
炯炯目電飄銀鬚溫溫春雲淡秋菊道味終愧先生腹
各乖語言異文字但以聲氣相磨呼從知靈淑在天地
不限夷夏分賢愚雖然此事未易道吹竽要貴能知竽
興觀羣怨達政教闕雖王化斯權與風人之旨苟未識
章句瑣屑積餽儒古來大家可指數觀所履道皆康衢

即論好醜亦殊俗易工愁苦難歡娛先生沉憂宅胸臆
旦暮弔影悲倚廬何如長歌當哭一快意頓使搓捋肺
腑回冬枯吾曹墨瀋但浪濡照濁端賴摩尼珠靜聽瑤
瑟清商吁

十疊前韻再呈閣止丈人

詩才矍悍一敵萬有若大海吞江湖前茅後勁吾豈敢
但仰大纛中權居鳴喑叱咤挾風雨當者辟易傳跼蹐
徃徃奇兵倏間出亦自嚴謹無闕疏丹青今無顧愷之
誰能弄筆為詩圖平生萬事不挂眼飽食鼓腹還拈鬚

窮愁頭白志不屈長守其轂道其腹有時縱酒忽大醉
痛哭罵坐驚狂呼淳于不作曼倩死俯視大笑羣兒愚
尋常章句唾不顧喋久不發如寒竿偶然捫扇啓靈鑰
紛披經籍又之與故知吐屬繫懷抱剽竊巧貨非英儒
填胸塊壘百不盡晚乃一出聊為娛全身何必蓬蒿廬
天地能使形骸枯一日不死墨可濡請看好句如連珠
神憎鬼厭付一吁

西湖行十一疊前韵呈散原丈人

此是南渡銷金湖半閒之堂丞相居中流畫舫咽簫鼓

大隄寶馬騎踟躕舉朝君臣盡酣卧坐使國計成乖疏
至今錢度變朝市卷畫不改丹青圖惟有逋魂自來往
清香細嚼梅花鬢卻驚樓臺挾海氣炫眼金碧增山腴
春秋廟賽感晨屐鏡茹梵唄紛呶呼焚檀蕙燭學膜拜
以此求福何其愚行宮花柳仍故色時有畫角凄風等
錢王祠堂岳王墓瞻拜往往停游輿表忠性自同婦孺
痛犯禁伏亂法儒六橋三竺闢馳道遺簪墜珥成芳衢
河山破碎到今日苟安猶自為荒娛先生高風邁和靖
結鄰三五詩人廬歌哭無端亦何益傾吐滂霈蘇乾枯

時先賴此相滋濡夜深應泣鮫人珠望古遙集千悲吁
七夕詞十二疊前韻

銀河倒影澄秋湖雙星耿耿東西居金風玉露戒節候
河陰肅駕休踟躕機聲軋軋閉綺疏鸞綰罷織璇璣圖
靈鵲啣尾龍濡鬚陸離宵佩肌理腴今夕何夕一相見
桃都愁聽天鷄呼聘錢久道慘將別何巧可乞徒自愚
丹梧葉葉聲似等人間天上迴鵲與武皇好道不好儒
欲從青鳥翔雲衢就令神仙果可致離多晤稀何足娛
我自詰屈人境廬一任滄海桑田枯但願明星酒可濡

不願更乞如意珠
皺面觀河亦罷吁

友人所見某公所為詩
矜古炫博義實膚淺
近世學子所由欲廢雅言也
過猶不及蓋兩失之
輒發其意十

三疊前韵

險句光怪搜靈湖
意態欲擬絳守居
聱牙澀吻不可讀
四座顧嘆驚踟躕
我來捫壁細辨認
字奇色古意則疏
蟲書鳥跡豈不貴
胡不更畫龍馬圖
聖賢精蘊在道勝
何苦鬪穴持鉤鬚
詩騷陸離出光怪
性情所發味乃腴
後之能者各自有
真氣往往千載面目
猶可呼世哀學

荒競奇詭妄矜創獲欺羣愚微言大義日晦塞大盜小
盜姦隨等狂且狡童失忌憚徇趨規矩為輪輿公然侈
口輕者儒野言俚語誣街衢傷哉文章載道器乃令賤
等俳優娛誰能植身仁義蘆羽翼聖法無偏枯天不能
蕪水不濡若揭日月懸雙珠此理可信君莫吁

墮地忽為我四首

墮地忽為我遂與形骸私索乳啼呱呱已能知飽饑漸
漸解笑言真性日以滴嗜好隨所遷習乃與物移縱慾
便所安履道恒若危君子道其身所貴在秉彝

墮地忽為我命運隨所遭富貴不可求貧賤焉能逃營
營常畏人胼胝脰不毛苦樂雖殊觀心力同一勞君子
素位行所以謝諂驕

墮地忽為我太倉稊米耳誰能不衣食役役趨一軌齊
物世所艱專欲毋乃撻辱之以不平殺機所由起奇巧
聖不作厥慮有深惜君子無所爭道在知足止

墮地忽為我居然萬物靈泯泯隨物化何復名為人立
功會有時枉道祇辱身豈無德與言求之非外營二者
實體用相互以有成無言德不章無德言不藻修詞以

載道晦盲使之明坑焚所未盡一髮持千鈞君子有不
死所恃惟斯文

雲月篇

明月懸中天浮雲來蔽之一雲復一雲變態紛詭奇巖
峩勢欲壓奮迅脫而馳月亦不肯避月亦不肯隨浮雲
去來忙靈轍自委蛇將心託明月皎潔盟吾私

鈔詩

作詩復鈔詩持與世人哂寸衷抱微尚欲茹安可忍不
平不能鳴吾意漸歛蚓書空憐浩憑味牀悼郊寤胡為

秘篋笥指擢負肝腎庶幾素心人朱絃接瑤軫

吾家湘潭五雲峰下不歸者十年矣頃有鄉中故人來

話及之兼及近事有感十四疊前韻

故人昨日來湘湖語我五雲峯下之故居見時釣遊事

恍惚風昔夢寐魂踟躕即今父老零落盡頗有盜賊守

望疏誰為禍萌今至此坐使滋蔓成難圖兔域含沙射

形影豺虎雷道磨牙鬚長沙自古號貧瘠神州大地多

上腴利盡棄地但浪擲民已竭澤仍追呼淫威詎止暴

易暴法治直以愚其愚校師強顏輟絃誦議士利口騰

簞等公行賄賂等稗販各戴魁傑儕臺輿性命苟全到
今日服誦未敢忘先儒十年築屋寄海市千里歸棹遲
江衢愧無諧文答賓戲時作孺色邀親娛酒漿久虛真
邱壘松菊遑恤荒田廬可憐勞人求蔭渴豈有倦羽還
巢枯客愁脈脈對花老鄉淚往往沾衣濡潮來看射錢
王考魚彈甯亡宋國珠唾手雨雲幾翻覆側身天地餘
悲吁

奉答遜初三兄見寄之作十五疊前韵

君昔卜居濱西湖要我買宅鄰君居安土重遷計不決

追悔一誤由踟躕兩人兒時共形影長大跡闊情非疏
君留東瀛我一至我官燕北君南圖南圖已向杭州住

我我勇冠未有鬚湖山昇平足官府君獨年少顏敷腴

印綬若若佩虎符熊旂朱蓋前騶呼

兄署杭嘉湖兵備道兼督練公所

我方為郎滯京國偃蹇人海藏吾愚一朝君忽拂衣去

齊門同我來吹竽

兄嘗由浙入都左民政部供差

間曹未可羈驥足終

為奮翅為翅與運籌帷幄謹節制治兵自古須文儒

至浙任軍執殊事極天步改飢驅未得康庭衢浮沉薄

宦豈得已祿養聊爾為親娛我非高隱慙仲蔚人境尚

有瓜牛廬十年兵氣不消歇
坐看四海成焦枯君歌我
和猶墮筦時危墨淚交相濡
悲吟躑躅同一概豈堪競
爽誇雲珠青燈回首有餘味
那可復得惟增吁

寄懷無畏丈人廣州十六疊前韵

惠州亦自有西湖東坡先生嘗謫居
到今流傳好詩句
讀之往往神踟躕奈何久落彼僞手
流風遺韵成虧疏
漢興驅除藉陳涉豪傑宜有非常圖
頗聞勞師艱轉餉
常恐早白頭與鬢不階尺土各守內
豈惟氣壯神亦腴
諸公招隱頻相呼士各有志誰賢愚
譬彼五音盡悅耳

乃有好惡不好等臨陣手麾竹如意雍容裘帶乘肩輿
書生未必果誤國自古名將多闕儒形閒意定百不屈
笑視荆棘皆亨衢軍書籌筆好整暇餘事猶以詩為娛
君不見武侯寧靜與澹泊不聞終老南陽廬又不見弔
民伐罪古有訓雲霓所至能蘇枯春生秋殺皆懷濡但
願終還合浦珠無令袖手神州吁

與客話近事有感十七疊前韻

兵氣慘淡玄武湖境內千里無安居江流投鞭勢欲斷
吳山立馬寧踟躕誰知守者一敵萬盡力併命防毋疏

自餘死昨不得遲進寸退尺功難圖關中大俠號剽悍
古有赤眉今赤鬚遭時崛起作將帥陪都坐擁神州腹
三年拜賜力蒐討一朝響應如嗚呼魏武子孫竊非據
股掌玩弄真駭惡戰雲漫漫歷四境霜茹風角淒寒等
羣雄已成割據勢空寸圖籍存方輿一之道在不嗜殺
此語誰信非迂儒吾儕性命託海賈賸此甌脫猶康衢
武夫窟穴已夙辦敗亦不失金屋娛獨憐鋒鏑所過處
但有瓦礫無完廬兒啼妻號鬼夜哭荒烟蔓草紫齒枯
茫茫浩劫殊未已逐獸趨與爭魚濡殘民以逞復何有

何異割腹藏其珠作歌告哀孰嘗省閉戶仰面徒長吁
八月十一日大雨平地積水數尺余以車逆散原文人
塘山路赴余倦知文之招車行水中若輪船之於江
河亦奇觀也瓶文憚而回車中間雨少止酒半而忽
大至午夜始霽散原文人命紀以詩十八疊前韻
急雨翻江復倒湖灌穿蟻穴浮蛙居坐看簷溜桂飛瀑
天低風緊雲踟躕斜斜整整勢逾猛如繩之脚密不疏
惜哉不令小未見潑墨寫作秋霖圖須臾怒潮助澎湃
海上疑有龍張鬚今年旱魃苦為虐淫潦豈足回甘腹

雷聲砰訇震屋瓦恍惚戰士昆陽呼胡為閹穢奮私門
天泣毋乃矜其愚打窗蕭條不可聽似使但也來吹等
車驅破浪欲過韜有若濟人溱洧與文侯虞人信不失
嘉約豈敢辜耆儒叛齊文人亦何怯回駕不敢馳通衢
酒行未半雨復至厭厭夜飲仍能娛拚將待旦不歸去
抵掌喜有詩人廬亡何琤琮憂然止積水回眺羣軋枯
居然醉飽得高卧何惜區區衣履濡却憐田家正作苦
盤中粒粒皆明珠銀河之水倘可挽甲兵洗盡祛煩疴
壽曾重伯文六十

鼎鼎通侯閥閥門幾人才調似公孫杏園春暖櫻桃宴
葡萄塞秋高細柳屯長樂夢隨滄海逝靈光人尚刻灰尊
鹿車晚共田家樂眉酒醜顏一笑溫

奇肱巧思翔飛車河洛璇璣舊著書玩世滑稽同曼倩
高文典冊擬相如環天一室成高隱異地三年感索居
遙想雍容歌黻佩嶽雲湘樹媚衣裾

奉和倦知丈人病起元韻

一笑猶能散百疴維摩丈室意云何轉哀舉世耽狂藥
不廢孤懷發浩歌貧病從來非士恥亂離差幸得天多

小樓几席聚書在漫憶山間薜荔阿

誰能醫國起羸疴赤手徒聞喚奈何盜跖殺人方自聖
楚狂避世只行歌微憐月色雲間見漸覺秋聲枕上多
煦姬文章同性命曲高終古感陽阿

獨坐

獨坐沉冥意象開綠窗蟲語答微吟
錘萬古堂堂在攤紙千哀哀來孔墨有書從自聖伊周無命豈能才
浮生息息成秦海陳迹明朝已劫灰

用前韵題吹庵齋壁

隱几攢眉類枕疴苦心誰復識陰何縱橫世宙彌憂患
寤寐人天接嘯歌雁背霜晴欺酒薄蛩聲雨急警秋多
衣魚繭紙生涯在翰汝書堂碧澗阿

哭癭公

相知垂卅年三載情更親兩當秋月圓翩然賦南征謂
此可為常稍解結轡勤去秋忽示疾敬枕愁號呻沉疴
宅心腎醫言藥無靈扶病遂北歸送君心怛怛改歲書
詔我奪死還吾身私念倖萬一醫言倘無徵詎知餘喘
攀不救大命傾秋風一歲別秋草千年墳舊遊歷歷在

履迹纏酸辛

百屈無一信長貧義不辱徇身役文字沉哀託歌哭憐
才不遺賤俯視但一族平生著作懷零落付然竹垂老
賸此娛所得亦已叢羣兒猶謗傷天地終局促悲哉牀
下蟻竟集塵隅鵬自古有不平於君抑何酷
干戈滿天地何由哭寢門淚流不到泉悲歌君豈聞淒
涼北門詠垂死猶聲春楹書庶可讀哀哀兩孤存斂服
依浮屠全受返其根西山一坏土含悽傍飯椀抱心數
卷詩華表栖精魂委化萬事盡到耳惟遺言之子解酬

知吾意慚九原

乙丑正月望日家母七十有九誕辰辱賚詩文書畫為

壽謹賦謝

生世百不逢所喜得將母兒年卅有七母年七十九教
志固未違口體亦何有仍恃願復慈猶為孺子粗頗聞
生我初朔雪風怒吼十指凍欲裂抱兒不去手往往中
夜啼起扶繞室走屣骸支千疴方藥和淚取艱難七尺
身寸寸心血嘔正蒙端始基奇邪絕外誘不願兒富貴
願兒長相守榮名徇一世功罪互襍糅修身以修辭此

事庶可久矜氣摧牙角息景脫殃咎直令神明全寤止
髮膚受懷漸學無成母意終負負稱觴偶良辰太歲身
在丑羣賢最少長籍甚文章藪燦爛五色筆光饒動戶
牖大哉錫類仁欲使風俗厚跪誦娛高堂一一道誰某
頌媿匪母樂樂兒得師友舞蹈奉一卮祝母無量壽持
此報春暉徽懿常在口陳詞紀恩勤拜嘉誼非苟
乙丑上巳大雨雪以風瓶齋閑止倦知三夫人皆紀之
以詩余亦繼作即次瓶文元韻
重念慄久鐵寒繼轉無夢誰知三春花翻作六出凍穿

燭風力猛壓屋宇容重明鏗奪畫色喬柯隱烟霧沉霾
慘無舒良辰愁坐送涼燠有節序乖違孰搏控漫天仍
作絮墮地不似冰箱冷蠶欲僵泥汙麥種封當陽失厥
位羣陰擅其用雨珠難為禱戲玉妾可種下民徒怨咨
官府紛惚惘崛起貴盜賊攀援賤賓從不聞災異陳但
侈功德頌願言被佳兵人微藉天諷

題漚尹侍郎校詞圖

詞律細於詩小道未容苟形聲偶一失聚訟遂紛糾
錄由抄胥雕鐫出匠手當其付梓時記敘豈無有况乃

授受間半出歌者口輟轉亡其真魚豕益錯組皇皇汲

古刻善本竟何取圖譜獲訂正偉哉萬紅友樊榭頗刺

譏瑕隙餘擊指

余藏樊榭手批詞非難甚苦然多可採亦萬氏之諍友也

律 驚翁四

印齋精藥匹瓊玖侍郎業尤嫻性命徇所守平生造塗

轍二窗溯周柳旁窺並百家一一恣鑽叩元精敢寤寐

古調鏗戶牖嶺嶠回輶車翩然謝章綬老作義熙民萬

事但唯否擁几掃落葉疑義慎晰刻思誤送日月淚澆

丹黃黝固知傷心人媚舌聊自厚孰云事無益已足資

不朽披圖愴故筆吾思道州叟

陳君佩蘅自營生壙於晚香別墅倦知老人為索詩
浮生託羈旅墮地即為客萬殊趨一軌終焉返其宅陳
翁磊落人菟裘視窻穿吉凶語誕死猶子孫役厚葬
古所譏空錮南山石翻笑伶鋪愚寧待彬鐙矣一壑且
自專百歲此藏魄吾思尼父言速朽焉用宅擇作計到遺
蛻猶為羽毛惜斯世何足戀天地付崩圻一坏乾淨土
平生所履迹甘與螻蟻鄰聊免射虎厄固知此老胸中
有憂患積

聖約翰學堂看豫章

豫章多奇姿翻風動牙爪旁挺得五出橫空已千矯此
樹植何年怪偉不可道本固幹亦強葉穠態逾好高柯
蔽白日低枝碍芳草攘臂紛攫拿作勢鬱鬱_盤杓長敦資
天工培壅仗人巧媚茲絃歌場知免芥片天平疇起坡
陀萬綠森浩渺山林忽已逢塵埃迹如掃小立豁蒙眸
暝色催歸鳥

乙丑七月廿一日散原文人書來言滿覺瓏桂作花正
盛越一二日將剪向街頭賣不得看矣余以廿三日
午溢杭州輿而往則萬花都盡僅寺宇及人家院落

中偶有存者真太息久之歸賦此詩呈同遊諸公
山人種桂將有求金粟粒粒皆乾餒常恐西風取花去
香氣散薄不可收花開造次有早暮盛極但許三日留
消金辟玉不得惜并刀一剪斃枝頭散原先生書報我
尚可一日供吟眸我來差池半日耳真觀不聞薌澤流壟
殘英賸馥在泥土院宇偶得全天因吁嗟廣寒宮闕何
清幽吳剛斧所落九州孤芳上界不自保下與凡卉爭
薰蕕遂令性命託駟僮翦伐入市同薪芻信哉雨露一
翻手栽培傾覆誰恩仇蘭焚膏煎各自取與以可欲人

何尤君不見平原野草燒不盡又不見醜樹合抱長山
邱無用之用天所寶吾曹棄置寧煩憂

哈同園看芙蓉因憶癸亥中秋夕與癭公梅泉玉霜會
飲於此酒罷移鐙水榭玉霜為度數曲宿鳥振翼潛
鱗跳波賓主盡酣勝遊斯極風景不殊而癭公墓有
宿草矣俛仰興懷淒然有作

携樽挈月追游地罷酒聽歌記此堂勝事祇今餘寂寞
高秋還與助悲涼葉飄殘夢親杯茗花散清愁澹夕陽
樓閣萬鴉喧暝吹闌干佇立有迴腸

徐園聽歌有作

兵氣摩霄慘不開，郊園猶得按歌來。
鸞留玉樹空餘恨，燕子春燈總費才。
忍看江山付簫笛，暫收魂魄倚樓臺。
老懷跌宕成滋味，年少逢場莫浪猜。

自題名刺

墮地何緣與此謀，強名入世若為酬。
噉應地下從孤貉，呼向人間任馬牛。
未信泰山真可殉，不如杯酒豈堪留。
相知祇在形骸外，紙上生毛莫浪投。

乙丑重九日偕吹庵梅泉及姪法遊半松園暮歸過白

生飲

沈麈燭涎認篆痕
亭欄臥若記重溫
荒江烟裏龍蛇影
老木雲巢魍魎魂
點鏡新妝憐粉重
上衣斜照入燈昏
漸銷兵氣酬佳節
莫負黃花濁酒尊

宴集映庵園居月下看菊

割取秋光入瓦盆
盡收馨逸與溫存
殘階月色浮花氣
照座霜姿淡酒痕
人境陶虛素心在
江關庾賦小園尊
招攜物外無賓主
乘興還來斲菜根

梅泉寫示和太夷文天津重九登高詩次韻奉酬

擲几驚聞變徵聲刺腸知有恨難平河山無地供孤注
日月懸霄看倒行暫得風光天與媚祇餘文字世猶輕
相携亦有菘萁會翦水霜花照鬢明

蕭庵丈兩疊前韻見酬再次韻一首

行歌自笑拊瓶盆珠玉篇章喜見存薄海澹天餘涕淚
鈞天扶夢了魂痕勝流風雨幾人在奇服江湖一老尊
酌既杯盤遲後約秋光猶可覓籬根

五疊韻答馮蕭庵丈

詞源倒峽擬翻盆託興微吟悟道存檢點朝衣餘壞色

摩挲彩筆法啼痕抱心出映鬚眉古尚爵尤猶兼齒德尊
玉宇瓊樓渺何世彌天霜雪見孤根

六疊韵奉和散原閣止雨丈人飲蒼虬湖居魚懷茗雪

京師

義熙花合種陶盆主客芳馨一室存杯泛湖光漆顏暈
袖攜山色上眉痕干戈坐向愁中老文字翻從劫後尊
往事宣南一回首鐵驅徐孺尚萍根光宣之際與仁先
同官京師數從徐
子茗雪過蒼虬聞今茗雪
以貧故留滯京曹可念也
余居無園池亭榭之勝坐臥一室客有病其隘者作此

廣之八疊前韻

捲簾花氣在瓶盆
生意婆娑喻嘿存
蝸戀閒階書篆字
燕依故壘話巢痕
栖禪無碍蒲團小
著膝能穿木榻尊
已向亂離全性命
敢將浮慕植心根

答散原閑止兩文湖隄晚步之作三疊前韻

鏗然金石出商聲
天以詩鳴物不平
寂寂孤光娛並坐
漫漫長夜笑冥行
霜晴暫喜千峯淨
風急終憐萬葉輕
遙想湖樓對新月
吟眸如水浸星明

十月十二日由滬赴杭州避兒湖居四疊前韻

飄輪夢軌走雷聲雲合天旋四野平
亂世尚偷閒裏樂
舊遊慣熟夢中行飛騰電掃千林過
瞥逝烟隨一鳥輕
料得迎門喧稚子萬家燈火映湖明

抵杭後散原閣止在園三丈人用江風體賦詩次韻一首

山靈似喜客來遊晴日烘波暖客舟
半落籬花仍弄色
未覺隄柳尚搖秋寒雅作陣去忽遠
野鷺忘機閒自留
落盡塵襟滌海氣拍浮能飲一杯不

過仁先湖居承以所繪秋林圖及蒼虬閣詩卷見貽並

出示靈山八勝雷峯八景唐賢詩意三小冊子精美
無倫愛翫不去手仁先許為余作一冊賦此報謝且
堅息壤

蒼虬磊砢巖壑姿萬怪匿腹詩寫之詩所不盡寫以畫
力與造化爭恢奇日吸湖光飲山源靈氣沆瀣融心脾
筇屐所至無不紀寸楮一一蟠蛟螭靈峰千佛出鬼斧
刻露筋骨窮鬚眉南屏雷峰夫古塔一紙猶可千年支
勝蹟突兀在几案歷歷真有山可移更持詩境入畫境
意象寥廓闊能摹追須彌芥子未足喻揮斤筆墨驕殿佳

平生亦有山水癖濟勝之具愁肥癡願乞一本祕枕篋
卧游魂夢酣淋漓秋林詩卷落吾手貪饕無厭從嘲嗤
和庸庵尚書丈寄廬即席詩韻

江上風雲襍雨晴高吟驚座有詩聲捲簾香氣圍花暖
盞席燈痕映酒明絲竹暮年餘續絃干戈羣盜尚縱橫
海鷗相狎成滋味不隔塵寰隔世情

陳杏驄同年別十餘年矣忽以九日登高詩見寄次韻

答之

故國登高有此觴中原人物數南強插天嶽色浮杯茗

終古江聲送夕陽
涕淚干戈吾尚在
嘯歌詩酒子能狂
十年寥落音書斷
耳目今朝喜發皇

客歲散原閑止
兩文人自起山
探梅歸說於人曰
壯哉

觀也天下之勝以梅名者莫之過焉
期今年花時重

游余與叔吹庵通遼兄
荅弟約行有日矣已而吹庵叔通及余

各以事不果往
用東坡聚星堂雪詩韵
想像其勝且

以解嘲

春來百卉無一葉
老梅弄花作晴雪
庾嶺孤山天下聞

羅浮鄧尉尤奇絕
誰識起山千萬株
高崖下坂隨紫折

浮光盪空皎如練
墜蕊霏衣香不滅
夾道啁啾翠羽啼
穿徑蜿蜒玉龍掣
勝遊有約不得踐
夢裏雲霞生眼纈
遭逢顯晦安足論
以此惜花花不屑
歲寒相守孤根
厓亂繁枝總飄零
幽獨自媚空山中
芳菲無言那可說
不親迹象契神理
呵凍癡吟嚼冰鐵

再疊前韵寄遜兄
荅弟謝起山探梅之約
勿能從也

臨平一舸輕如葉
期我起山踏香雪
偶牽塵事不得遂
閉門風雨坐愁絕
人生快意能幾何
萬緣顛倒成磨折
花外魂先斷
夢飛眼中境
逐孤烟滅
知君高興載妻孥

妖姬靜女相携掣鬢影花光併一春
臉波暈散千林傾
飽吸芳馨蕙渴肺吐作珠璣
翠玉屑足當嘲我眼無福
如此奇觀輸一晉儻携明鏡作圖畫
它日相逢為吾說
宋梅老醜後柯似古幹
虬枝應屈鐵

飲鶴寄盧看櫻花瓶文有詩次韵奉酬即呈主人兼示

同座

西湖十日晴佳遊愜所願歸來展餘興
猶及櫻花宴眼
中桃李春幻作海霞絢嘉卉
襍丹碧麗若叢臺
松落照
散餘綺華燈耀芳甸
花氣涵虛空掩映玉萬片
案此春

林苑取喻興邦彥陸機詩應運興邦東鄰詡國色嵇康容
驚創見竭來入吾土移根類蓬轉薄質隨飄風吟賞供
一晌幽香愧蘭蕙高韻謝梅院差堪比海棠未衣列中
媛

壽庸庵尚書文七十

十載旌旄尚黑頭燕梁吳楚萬碑留運珠捐讓身先退
詩閱興亡體更道蓮社盟鷗忘歲月蕉亭夢鹿亦春秋
二難各有期頤算分占耆英九百籌

為陳叔通題所藏沈寐叟畫山水

寐叟博學士匿腹萬靈躍文字所吐餘潑墨恣揮霍
紙不盈尺欽崎眼中落不見逃秦人松風動宸壑
陳侯重故筆百梅共珍橐當世幾畫師意象失磅礴
元氣有不死慘淡訴冥漠何處問山川魂歸泣寥廓

為瑤卿供奉題瘦公楷書詩卷

魚網蠅頭諾已虛馨香入手一欵欵即今八法趨
快詭幾輩能工次仲書

人既天窮了此生哀然豪竹不勝情黃梅時節江
南路思聽何堪唱渭城

憑惜薛談才未盡自書佳句付秦青
交情生死君須記
莫遣歌筵闕尹邢

文苑文招飲海藏樓有詩敬次原韻

滔滔皆是欲安歸萬類芸芸失所依
獨抱千哀試憂患
不隨一世詭從違空言載筆猶為罪
急刻敵棋孰解圍
皓月盈虧定何物故知明哲有沈幾

容園宴集僊丈有詩次韻奉答

坐中諸老各皤然緞席翻矜最少年
醉擲霜花烘海日
愁搖風篠亂江烟
杯盞暫喜殊鄉共
絃管猶從剡嶂傳

欲采芳馨紛楚珮
衰蘭憔悴不勝妍

遊兄自杭移家來宛
鄰吾廬而居疊前韻賦贈

杜老慙遲暮糟牀足斟酌
生還對妻子歌哭有至樂
兄從兵間來舉室脫柞鄂
賃廡鄰吾廬相望在郊郭
翹首隨四極擾擾一邱貉
食苜悲碩鼠挾彈伺黃雀
嗟哉暴易暴何必勞改作
下民絕可憐性命此輩託
譬彼中流舟飄蕩靡所泊
奚異丹豺虎詎止化猿鶴
飲狂走童稚舉措等戲謔
吾材信無用捫腹懸瓠落
支頤看殘局急劫仍錯著
頗疑皇天慈不憐后土惡
兄弟各垂老非復

少許壯若晨攬霜滿樓夕照月沉閣亂驅得合併亦足慰
離索人生倏聚散有若風吹檝及此為歡娛毋為羈愁
縛

次韵賦忽雷

鐵撥檀槽鳳尾啣阮家風調最推咸宮中帝子悲青瑛

天際真人

憶想

紫衫

謝鎮西

著紫羅襦

彈

驚市段師如可

我

君有

天際

真人

想

驚市

段師

如可

我

君有

天際

投足場賀老儻能監忽雷落流中丞在僥倖河壩夜半

帆

半松園坐雨同散原環天壽丞三文人彥通七兄

晷短日易通，雲陰盡如晦。各有曠蕩懷，欣與寂寥會。園
亭猶故觀，景物有殊致。茲來當窮秋，萬象入淒麗。芙蓉
淡霜姿，黃華與之媚。颯然江雨來，枯枝挾寒籟。吾曹意
所適，清冷有至味。坐看簷溜懸，吟情吐霧霏。

輓蒿庵文

積憤埋長夜，危時失老成。德兼尊爵齒，文足重科名。盡
下孤寒淚，終傷鰥獨孤情。難知是天道，吾欲訊明明。
先世文期舊，追隨我恨遲。五庚寒酌酌，一和告存詩。接
座猶前日，憑棺忽此時。能文故人子，流涕感相知。

哭張子武同年

男兒性命竟如此亂世功名絕可哀
環顧早知無死所相從原不辦生回
獨克終始扶風誼長為江山惜注霸才
把酒論兵飛動意祇今餘向眼中來

戊辰先立春八日夜雪

前暄孕昨雨旭曠胎夜雪陰陽妙激盪造化勇施設
方秋迄臘盡元氣恒苦泄枯樹華再榮雲翼猶掣所活
皆纖微仁煦義亦子將舒由積慘閭種非嗜殺換世俄
已新出奇正不譎漫空翻珠塵唾地裏玉屑兆瑞仍及

時先春未乖律占復天心見從欲民志悅獨念泉下人
凍骨不再熱轉愁春風來淚穿草新茁

題焦桐清陰館圖

鄰火殃修桐抱心不肯死復此嘉蔭繁濃綠漫窗几
嗚呼有神託根庇君子充符驗全德末疾貞復起元氣
所煦嫗萬物妙一體誰能賦病梨終異吟苦李孽蹶燎
鳳原生意益幽履鳳鳥期不來息陰有深旨

哭徐仲可

游藝市井內窺伏甘流人相忘形骸疏時役文字親病

中把我詩微吟遞跋呻絕筆一紙書墨故淡_淡新_新嚙心
餉蟲魚散筵棲精魂天地蹇秀氣斯道何由伸寂寥純
飛館贖對些些春

雨後游狼山觀音巖

窮海開靈境濃春發野芬巖飛前日雨溪渡隔山雲樵
語隨鐘落松聲帶梵聞何曾外人世已覺欲遺羣

感春

我生行年名五十所歷四十九春耳兒時嬉嬉阿保手
誕漫未知春色美少年容易酣春狂浪擲春光若泥滓

壯歲游春上帝都
滿眼繁花鬧紅紫
當時意氣驕青雲
拾取濃春懷袖裏
垂老漸覺春可悲
閉門不敢逢春姿
春猶故春吾故吾
情移境遷春不知

春不知太平換離亂
千株萬株從爛縵
春不知皓首非
朱顏千樹萬樹紛
斑斕傷春怨
春淚如雨
春自無情儻
來去可憐
復有嬉春人
醉飽歌舞喧
車塵

幽閨賞春侶
埋骨向黃土
不知地上春
會入地下否
地
下枯骨無冬春
地上人心多
故新橋心
共君抱春死
日
夜東風吹不起

哭陳士可

非違積十載離亂始再見脫身賊中來握手意纏繞左
睛赤墳起視景恒苦眩過從必卜夜促膝語忘倦亦有
好事徒排日供清醪誰知病眸子滋蔓肺腑延靈藥攀
須臾大命不可援傷哉歡會筵竟作死別餞平生方輿
學今古互貫穿留心嚮荒服西北尤蒼蒼直欲探河源
竄止論惶鄙遂為窮塞主大漠走輶傳忠抱未施設豎
子乃奸擅弭節羈都門篤嗜徇所歡裝池五千軸插深
十萬卷歸食武昌魚倉卒偶禍變數旬出萬死聚好供

一搯稅此半椽屋羣居地敷薦沈憂煎暑濕疾疾困糾
纏欲言舌已橋將瞑淚指法箋註郭璞經疏證周王傳
絕學繼者誰零落閉篋行固知九地魂癡入敝帚德用
世既人阮著書復天誕誕才果何為氣盡生芻蕘
書憤呈教原文人

舉目河山事事哀閉門憂患逼人來解親師友猶為罪
繞近聲名已被嗜舖肉微聞盜匪食埃真欲慮汗顏回
無知吾更悲萋楚野火終嫌有劫灰

理亂無端孰主張昏明仁暴事難詳能言但見同鷄鷄

稱瑞徒聞類鳳凰
玉匣當時傷呂后
金刀何日復蕭王
可憐田舍家人語
卑論於今已近狂

戊辰八月梅泉招同公渚陪散原彊邨病山三丈人泛舟吳淞賦此報謝兼呈諸公

為嫌塵市喧車馬
領客扁舟問水涯
入世風波原可狎
盪胸雲海儻能奇
霞收暝色遵時晦
潮挾秋聲以息吹
莫道千帆盡名利
此中高躅有誰知

壽梅泉五十

昔我與子友
託始由音聲
賞心獲所同
肝膽相為傾
久

之規續學孟晉良可驚平生夕禁術妙理穿故新睥睨
輕面高談笑謝君卿不見恒讀書捫腹萬卷撐溢出喉
舌間吐作屈東鳴降年與子同才下不可程為文謬見
許謂可躋桐城人海各寡交不孤終有鄰義舍形迹忘
情親骨肉噴清宵坐相對苦語開中誠垂老丁世亂無
地容歸耕敢云不受命聊復學治生誰知金銀氣難與
詩書并靳得乃獲喪崇朝蝕其盈造物薄富貴所怯文
章名吾曹欲兩兼叨食豈為平因之悟大道一笑無虧
成勗故知命年勤勤素所營不朽有立言歲寒堅此盟

崇陵補樹圖為翰怡京卿題

盡收四海淚漑此尺寸土樹疏尚可栽天傾那可補抱
根穿重氣鑿臣心拳拳參天不改色臣血心上碧佳哉
氣鬱蔥風雷蘇蟄龍把鋤有後死拱木悲梁公

壽譚无畏丈五十

我歌旣耗春風日公正高竊入鳳池今日相看俱半百
雲泥依舊似當時

功名事業百無似慙愧生年月同別有一段相肖處
癡肥腰腹兩線翁

景純不作常容邈誰解時差論咎存自是前身餘懶癖
讓公平苦換神州

劉盧往迹非佳話羊酒徒聞賀兩家公不能飛吾蠹處
江湖相忘遠年涯

論姍公是丈人行弱弟深慙坦腹郎差喜生男好頭角
張軍阿買倘能狂

戊辰除夕次韵和倦知文

兩歲平分一夕觴萬器沸海有巖藏壚香濃裏花香暖
鏗色寒侵曙色荒樽炭添憐無己火杖藜倚羨子先牀

敵門未擬新詩債錯訝私通欠料量

獲菴詩集卷下

湘潭袁思亮伯夔

己巳元旦和倦知文

如翁豈復憾蹉跎精力於人百倍過健啖未曾緣老減
狂吟猶覺患才多膝穿木榻貧能樂腹養淵雷銳不磨
歲歲書春動高興渾忘蟻穴有檀蘿

題犀園讀書園

畫師贊其奇腸肚萬怪攢氣吞九州隘吐向尺楮寬毛
椎倖洪鑪神鬼愁剗剗犀園磊落人閉門騁遊觀几榻

有濠梁堂壁生峯巒盡滌市井氛挹此太古歡髯翁更
恢詭以意為控搏挾之凌風翔巢彼神山端攀天星辰
爛燭海蛟龍蟠闕闕雲霧窗跳弄日月丸造化境出象外
俗筆不敢干吾欲從之邀證此無聲禪

澹遠主人宅觀華女士劇次庸庵尚書韻

翩然神女下瑤臺明艷先教倦眼開
撾舞乍調腰鼓節袖香濃惹口脂來
歌成未許誇車子曲罷知曾服善才
腸斷江南憔悴客為伊贏得是清哀

壽太夷文七十

平生鄭夫子高視隘一世淵淵復國謀疊疊匡時志尺
寸信無藉忠義要可恃縱橫究治亂瞭若指掌示成敗
安足論且壯吾儕氣孤懷鬱不騁驅使向文字登壇建
大纛異軍矜特起持銳敢深入所赴剏堅壘浩然塞兩
間不動心豈餒鬢鬢固無改筋力亦未弛方疑甲將周
詎信耄忽至降精竄偶然難老匪虛致悔禍或有時從
公卜天意

清明日虹橋公墓展四弟及亡室墓墓所歸得庸文半泐

園詩即和其韻

勝可埋憂九地中
人間何處不高蓬
已傷宿草淒淒碧
還惱春花故故紅
燭淚紛如掄英雨
紙錢低颺柳絲風
卻問前日西泠路
麥飯親攜費短笈
文新自西
湖上塚歸
澹遠主人將彙寫同人贈華女士詩為行看子以張之

聞女士行鬻歌梨園壺前韻寄贈

新詠聯翩繼玉臺
好花無主為誰開
何當寄語青鸞去
莫遣能歌赤鳳來
月旦有情惟願曲
國風好色祇憐才
紅氍最是消魂地
端恐眉顰易得哀

題雅歌集二十年紀念冊子

尻高射覆東方詭傳粉科頭子建狂自是滑稽工玩世
古人原不薄俳倡

傷心二十年來事兒戲興亡不忍看短髮侏儒作胡舞
倘從優孟見衣冠

釣天夢了今何世無復昇平雅頌聲獨向江南存告朔
舊人惆悵未家菜

晚雅題辭

鶴柴先生口苦吃窮老瘦百不惜一生性命付詩卷
坐吟行謠萬事畢昔隨使車度隴坂奇變忽構天地坼

山陰使者亦詩伯先生抱詩對太息謂宜各寫十數本
緘滕驛寄江南北吾曹嘔心吐向紙肯殉兵塵供一擲
轉展間闈竟得歸天留後死寔逃責歌哭虛堂走萬靈
追念逝者傷魂魄江淮湯湯瀟霍高磅礴蜿蜒元氣積
胎竒孕秀代有人國朝才賢尤傑出徽州經學相城文
各有專書尊典冊中興武功耀區宇事業亦載史臣筆
獨恨輜軒不採風詩篇放失無人拾發憤勤搜八九載
十朝珊網收蓬華零章斷句不忍棄近人名宦同編輯
可憐氣類重寒儒有如禹稷援飢溺當時不甘自沉沒

此日陳人勞被飾丹黃鉛藥屋打頭定有癡魂夜中泣
江灣葉氏園

平生不識江灣路共約名園看花去入門眼鼻亂香光
牡丹爛漫開無數天桃留命伴珍蕞山顛水涯能白紅
美人遲暮自矜寵富貴不得驕春風斯園經營亦殊費
鑿池沼為山起平地坡陀頗具巖壑姿樓臺尚有金銀氣
可憐當道足豺狼主人有戒懷垂堂大好春光付胡賈
不敢花下傾壺觴人生取適惟容膝作者徒勞游者逸

輞川圖畫習家池收入孤吟環堵室

哭廷君

改歲兩得書，嬾未報一字。北地不可留，謂子行且至。驚聞櫻禍羅，百慮寧有是。意必出傳訛，唾置等夢嚙。亡何消息來，乃竟有此事。殺身不成仁，臨難非蹈義。孰令子至斯，毋乃友朋恥。

人死生會有死，壽夭安足論。化作地下土，何殊轍中塵。所悲一朝盡，寂寞難為稱。邕緣歎卓誅，良知已恩固。坐附憲刑亦，本入幕賓雖。違明哲戒未，害文章名子才。瀟霍秀挺生，公卿門潑墨。奪山綠吐辭，揚葩芬睥將。銅馬

儔平生絕依因奈何不訾身取擲殉彼昏吁嗟一蹉跌
遂成鴻毛輕

昔我初識子頭玉蘭芽茁再來官京師遂為同舟客論
交篤兩世投分膠與漆判袂十三載南北久乖隔頗聞
遺家難常苦生事迫依人作蓬轉何由振羽翮途窮靡
所騁四海滿飢溺冤憤覲一伸走險急何擇留命飼豺
虎偷活等蟻蟲此懷豈不壯終為賢者惜傷哉亂世士
捨生亦无術

進退格為十髮翁題鹿川閣圖

山色江聲几席間
鹿川閣本畫中看
畫中更著鹿川閣
攜取江山自往還

剗餘天許有完巢
紙上魂痕夢亦驕
何日琴書歸去也
江山如畫坐詩豪

浴佛前二日邀散丈
映庵梅泉同遊
沙發圍看芍藥
漫嘲蜂蝶太顛狂
老眼猶快取次妝
已恨尋芳來較晚
卻憐殘粉不成行
禰花滿地殿春色
密樹葉搖風穿夕陽
坐久歸鴉催客去
頓驚身世是殊鄉

和庸庵尚書文

蒼生誰解虛前席，女樂何須列後堂。
虎豹當關憐故智，鴛鴦同夢警新涼。
如何桔梗猶為帝，未信姚花合號王。
愁絕禽禽自來去，欲填碧海種紅桑。

疊前韵答庸丈

白門昔有當衡宅，黃浦今無背郭堂。
貴賤從來由趙孟，悲歡還與付伊涼。
徒聞鐵幕搜魚伯，空見金環媚鼠王。
自笑書生甘寂寞，嬾將心事鬥研桑。

乙巳中秋夕，坐堂前看月。念屋已易主，明年今夕月猶
此月而人屋都非，愴然久留，不知衣袂之生寒也。然

夏時已廢將有不知今夕為何夕者白雲蒼狗又不
獨區區流人遷徙之感矣再疊前韻

多情天上團圓月為我殷勤照此堂來歲聽知度戶改
深宵忍怯袷衣涼清輝海內應如故正朔人間已不王
變夏用夷千古事未關居處小滄桑

為陳向元題秦寧去思圖

幽蘭襟象草孤馨自成列明月涵濁浚清景終不涅文
夫不擇時隨地勇施設陳侯振奇人壯歲持使節秦寧
實所治鬱蔥望陵闕松柏摧為薪祭器供篡竊靈旂慘

無色痛憤腸內熱
樵蘇使知禁俎豆
還所挈深恩二百
載忠義有因結至誠
動血氣父老流涕說
為政在知本
本立萬事達境清
軍旅間道復商賈
悅釋甲躬荷鋪手
挽易流活惜哉功未竟
遽我使君奪福山
有高臺捧日
勒巨碣豈伊銘
去思霄漢心若揭
寫半雪齋圖紀事
鄭
老筆莫謂時無人
持用說回通

哭曾重伯文

草草一朝別悠悠萬古悲
書墳埋腹笥筆陣失毛推
不識何無忌誰憐杜牧之
還家仍客死吾欲問湘纍

花近樓消寒第二集用少陵羌村詩韻

憂患天所貽尋樂向初地靈臺苟無累六職何由至聖
人如傷懷豈隕窮途淚大冬閉萬物不息安得遂飛潛
各有時無為浪獻歎高歌思古人靈爽遙寤寐
醉意不在酒少飲亦成趣眼前所歡娛杯酒挾之去人
情感陳迹悽惻江潭樹嘯侶多羈傳清談動芳慮白日
忽西匿江波自東注逝者恒如斯續續朝與暮
大者龍蛇鬥小者雞鶩爭起視四境內莽莽迷榛荆局
促靡所騁常恐傷吾行託身蹠跡場與世忘濁清斗室

何所有藝圃勞深耕四體雖不勤望古心長征諸老相
迎逢慰此飢渴情詠歸各悠然白雲天際橫

題散原文人廬山詩草因寄山中堅還滬卒歲之約

至人巢靈區吐辭絕凡響挾勝悅澗谷鑄怪愁周兩孕
胸雪嵌空琢骨冰拄頰瀑籟戛幽咽雲海吞莽蒼淵情
溯蛟窟遁力出雕上天風吹飛鴻飄歛落埃壤驚心但
舌橋動色餘日曛雅言契妙道朋觀證孤賞神理諧所
會快意一拊掌朝飢得暫療離憂轉滋長春被陰崖幽
柴門戢翫巖對窗哦矮松寒鬚肩屈彊蒼虬倏已歸青

郊忽^長往歌哭未末宮形影媚一枝白首仍天囚六合
孰云廣況乃平生親問道資式仰迷途識改轍文園參
跌宕窮山不相從牽我北堂養別來懷舊恩夢寐見疇
曩豈無二三子相邀倒瓶盎言念山中人四座盡邑快
懸知世間情定貯霞際想卒歲記前期歸歟幸毋爽江
湖尚可樂濡沫煦吾黨

雨夜同親友觀劇歸後索觀近詞並看戴文節試院畫
卷不覺達旦八疊前韵紀之

燈前細雨落簷花無盡端能遣有涯空說佳人傾北國

何曾臣里有東家琴邊蠟淚閒居草扇底松聲試院茶
坐久不知寒夜永東窗微逗曙光斜

青燈課子圖為呂宋庭太守作

人間萬燈明所照非一情尋常照歡娛此獨照悲辛歡
娛易消歇悲辛無斷絕傷哉課子燈燕盡母心血血枯
燈自青兒淚常熒熒五馬豈不貴未足酬恩勤慈我慈
母慈私我赤子私此意世莫喻此情燈當知高曾貽矩
矱君親那忍負印綬賀藥囊懸壺此中住日晦月亦盲
此燈猶煌煌當時照悲辛今日照綱常

客有自超山探梅歸者言阻雨山寺稍霽攀登數致蹉
跌而花事盡矣戲為作歌

海若輸波掉龍尾頑雲遼巢白日死長繩挂空直如矢
簷前飛瀑懸楚帔歸鳥啞啞濕羽墜萬木無聲濺春淚
縞衣仙人愁不寐起釵胭脂洗鉛翠小舟搖夢若谿水
樽香作泥笑山鬼

哭馬通伯老

桐城天下文章藪方姚導先公殿後名高宙合一諸生
制科以來士稀有治經博采兼漢宋恥效小儒矜墨守

萬言伏闕聲動天虎豹當闕在瘖口晚遭喪亂禮空王
悲憫人天出忠厚彌勒何妨共一龕慧業名山同不朽
相逢談藝海西頭謬賣吾文推作手十年隔面斷音書
一朝流涕傷耆耆斜陽蕭寺辨香來餘對遺容酌杯酒

庚午三月二十日陳君筱瑀招遊葉園看牡丹遂飲於
松濱庸文賦長篇紀遊督和勉次一首

臥疴閉門居聽雨亦不惡病起風日佳遊鱗以為樂動
靜惟其時安心無住著懷馨握申椒採芳遺杜若但令
豁兩眸誰能惜雙腳況復孟公豪造次得佳約驅車向

郊園蕙風溯蘅薄照眼鼠姑春裝點遍池閣樓蕊羨蜂
酣墜波駛魚躍靈根劇蓬島貴彩比京洛玉合襍銀盤
寶幢間珠珞魏紫炫濃姿靚紅媚新爍從來傾國容轉
盼萬花落安得楊妃脂恨無歐家藥稍嫌驕陽欺微怯
瓊肌弱輕颺一披拂釀芬散寥廓小立開風襟緩步謝
雲屬秀色餐既飽江亭動芳酌餘香襲肺腑流豔入吟
嚼言笑忘少長形骸頗脫略曠觀滌塵襟妙悟啓靈鑰
苑囿豈不美終憐費穿鑿潮汐豈不壯欲渡無飛約火
小量固殊得失理相錯逝水波無還來日今成昨未能

泛五湖何曾專一壑暫得亦自足偶聚等萍泊鏡裏收

鬚眉氣象自各各尚書庾公儔雅度寄詠誰中丞與翰

林同車感離索

孫慕文與林貽老同車貽老將返北平

主人最年少意態

紛落拓吾曹六七人露五天為幕鴻泥誌陳迹毋令笑

寂寞

就是日同遊若草地攝影

歸來示長篇疊疊信奇託待到梅花

時更訪道仙鶴

園中蓄鶴植梅甚多

余倦知文執詩

哀世此元氣奪去衆所惜况乃鄉里親平生出肝膈憶

昔識面初鬚髮亦已白忘年相煦嫗文字互求索敵詩

門險巖角勝乃成癖齒老猶健啖豕貧仍好客願盼頗
自喜當者常辟易期頤行自致甯待問龜茨誰知一朝
盡失我流輩伯漢水餘頌聲章江湖道澤廿年忍死意
終向塵埃擲故國指干戈何由慰魂魄病榻屢握手酸
語淚霑簣欲去還見留坐對轉愁劇下久腸內腐津枯
舌燒赤生今偉岸軀銷鑠成短瘠貯腹萬古悲戩影一
棺窄秋陰塞哀靈窮天不能碧

庚午七月酷熱邀病樹剝庵黃浦公園看月

海潮夜帶蛟涎腥舟輪碾月月有聲碎光搖搖鋪白銀

摩空一鏡常晶瑩江干廣場作園亭岸旁萬燈繁如星
燭火欲爭天眼明炙手可熱嘲孤清廣寒宮闕自不扁
下視惟與白水盟坐久微覺商飈生泠泠素秋來無形
赤壁之遊幾百載古月今月應無改月視今人猶古人
吾曹高歌亦有神

章綬仙同年執詩

早歲躋玉堂到死滯曹厓長安似奕棋柯爛局未已陸
沉簿間領拄腹餘痛史蓋棺萬事畢精爽託文字平生
倚山閣流傳倘有侯梵宮旅殯新哭寢無由致因風寄

一哀淚墨書在紙

孤懷一首

陸沉人海不相收
提挈孤懷卧小樓
苦聒淫哇從結舌
飽更禍亂有埋頭
老思寡過臨三聖
夢戀同仇望九州
寄命小園絲歲月
看花喫餅復何求

野侯同年善畫梅
所藏名家畫梅景
數百幅最後得元
人王元章畫卷用
王詩中句顏其闕
曰梅王繪圖徵
題次王詩元韵

東風剪水飛玄霜
擎斂羣穠綴胎孤
芳虬枝橫斜根詰
屈

繁花纈眼生寒芒，
鏗窗不惜齊紈裂。
搗麝調鉛琢冰雪，
畫成認取此花身。
舉頭恰見娟娟月，
月與梅花共高韻。
寫花人為傳春信，
春信年年到草廬。
春花亂點春人鬢，
良宵畫閣開春缸。
玉妃萬騎窺瑤觴，
酒酣大叫謝閤子。
吾今暑汝為梅王，
王家畫師骨久冷。
紙上癡魂呼欲醒，
羨君胸貯太古春。
吹息看雲彈指頃，
立春和紹周君任兼寄蒼虬惜仲

循環治亂互排推，
往事雲顏去若羗。
微尚不隨千劫盡，
狂瀾待障百川回。
酣春桃李終尤物，
忍死松筠豈棄材。

四海蒼茫吾輩在，莫將心事逐寒灰。

辛未
元日和病樹

耐冷梅枝著意妍，酥花茅葉飭春筵。
幸留愛日歡元日，未覺新年異舊年。
後世定文寧可待，殊鄉同命且相憐。
化元任笑毛錐子，程尉何曾值一錢。

夜與病樹論文疊前韻

弱翰縱橫散鈇戈，文章終不慕孫何。
鳴鶯只在蓬蒿宅，相馬休尋苜蓿坡。
務去陳言矜道載，苦刪綺語恣才多。
桐城衣鉢今猶在，與子相期共琢磨。

題吳初三兄畫像

先生六齡悲早孤，夙慧已與常見殊。
八齡作賦摹庾徐，親表駭汗稱神駒。
世無珊瑚網，收明珠，弱冠遂棄終童繻。
跳盪不受繩墨拘，亦不詭異隨時趨。
仕宦卅載囊無儲，垂老買屋西子湖。
憂患如山不關渠，吟詩讀畫聊自娛。
誰為寫此獨立圖，松可盤桓芝可茹。
奇服臃腫飄襟裾，手把一卷意濃如。
如不知所持，是何書，問之笑言一字無。

青島酬陳彥清

我行不到此，倏忽將廿年。
山川不改色，壯觀猶目前。
當

時所失地得返良偶然治亂非所關此理難具宣入門
逢故人握手意綿綿穆然君子風恍如對陳編乖離互
慰薦鬢髮各可憐談笑未及終袖中出瑤笺平生交遊
情一一傳毫顛憶昔試春卿文場相隨肩觀君翔天衢
奮翼如登仙鳴琴豫章郡卓卓循聲傳家世信無忝花
萼紛聯駢惜哉遭喪亂性命聊苟全濁世與委蛇進退
誰愚賢男兒貴食力所耕惟硯田葆茲清明躬何殊在
山泉信知書史中別有沖虛天此邦擅形勝鑿山雄海
邊大雲不能蒸涼颼動芳筵偶隨予季來作緣陳迹撫

仰堪流連客得朋中尤可樂愧乏佳句酬名篇但持一語
為君贈故國靈椿壽八年

匯泉觀浴遂至砲臺山

浴沂仍魯俗表海尚齊風微管人何賴興周道已窮浪
淘沙不盡壘廢鐵無功覆轍誰能戒師夷且自雄

海濱公園

鑿山開華路蘇海結珠宮地迥疑無暑天多易得風浪
翻晴雪白日浴晚潮紅最羨臨淵客垂綸學釣翁

青島篇

岸海峙一島不知始何年漁人栖其壑結茅忠所便天
驕來柏林割取以自專因山闢馳道傑閣彌涯巖樓船
高嵯峨車軌修蜿蜒雄礪扼要塞戰艦相勾連人謀豈
不滅金湯莫能墜一朝戰禍起萬里餘孤懸東鄰藉驅
除糧盡終無援潛師得宵遁委敵吁可憐狡哉木屐兒
染指嘗一齏卒迫蔡邱盟歸我汶陽田忽忽卅載間變
幻紛雲烟我來撫廢壘遺跡尚未湮當時經營勞此日
歸唐指吾思老子言無為天下先

和蒼虬韻寄懷

無窮家國恨都付苦吟身
枯眼疑天地餘生任鬼神
醉書魚網紙寒燕馬通薪
莫怨空庭寂猶難障度塵
萬里三年別相望尚有身
羣精言亦罪孤憤句能神
病久空求艾功成忘徒薪
心肝聊可奉留命一微塵

二月晦日得蒼虬寄詩次和要病樹同作

好句春隨塞雁南
風光迢遞赴重三
吾曹^吟嚙^成微尚
終古幽憂付一酣
夢遠關河憐地盡
魂蘇草木仗天函
嗟君更隱無餘事
人海高眠抵結庵

三日同木公病樹仲弟子法遊趙氏園次病樹韻

野館穠花著意妍
柳條風定減狂顛
閒携俊侶酬佳節
坐待斜陽合暝烟
此地幾曾經嘯詠
勝遊他日倘流傳
池塘窺影羞衰鬢
未許簪巾學少年

後湖櫻集未與鑲
衡為拈禊字韻

烏衣燕不歸青溪
舫空繫尚餘玄武
湖當春足遊憇況
招貞元士遙續永和
禊濟濟多勝流曲水
騁妙諦吾衰慵遠
涉負此江山麗但
尋裴王傳與話秦
楚際病樹霜腹同
遊梵王渡公園次
病樹韻

人生快意事所得
能幾許春華豈不
妍日日苦風雨郊

原有新霽游騁幸天與裙屐鬪如雲柳廳吹鬢纓奇服
不入俗亦此誦梁甫芳草自菲萋何預吾與汝乳燕似
相識飛鳴嘯其侶故故翅差池誰能喻默語背面惜殘
紅崇朝異驪楚

呂美森自青島郵示春雪詩迭函督和

申江萬突烟埃起火雲燒空天夜紫滕六下視不肯留
墜玉遺鈿作泥滓海東雙鯉乘潮來尺素落手緘親開
春寒乍覺衣裘薄眼明恍踏瓊瑤回自是群仙能狡獪
爛嚼冰花吐滂沛詠絮才多老更工翦取風光供藻繪

嗟予衰病卧窮閭
催詩火急如追遁
聞階雨聲正愁絕
好景想像真難摹
頗聞行冬近
災異非時終恐妨農事
腐儒頭白仍憂天
三復名篇發深喟

蒼虬書來以惜抱翁相況愧荷不敢承
即次見懷韵卻

寄

桐城法乳有傳衣
虛往何人果實歸
敢工類說似西子
卻憐正色失南威
斯文此日真天喪
所好如君與世違
一寸溫磨暖懷抱
故應千里共春菲

春垂盡矣風雨作寒
思吾蒼虬不可得見
用前韵寄懷

兼要病樹同作

新綠籠堦生水衣舊時梁燕認巢歸
冥冥海氣雲常濕惻惻春寒酒不成
青眼高歌仍鬼瞰白頭良會豈天違
相思各有傷高淚斷送千芳復萬菲

端居

興廢寧無責端居甘閉門異才胎戰伐
吾道足遭屯入室豺狼橫當關虎豹尊
違天輕一擲功罪政難論

寄懷孝魯莫斯科時方御春

與子一為別經年未有書將家知可樂
規國竟何如言

豈神農似名猶盜跖居山川倘能賦辛苦副軜車
眼中殊碌碌如汝可為人婚宦本情欲奇衰如道真毋
將一世役負此不貲身老我相期意時衰要鳳麟
次韻答病樹兼懷息庵丈

隱几終朝榻百骸眼中擾擾孰吾濟深杯未是忘憂物
賸欲從公乞好懷

身世悠悠等聚沙卜鄰何處可為家黃蜂紫蝶不知惱
猶向高枝覓故花

廿年不蹋舊京塵迓我還留一甕春高會預愁艱酒力

空令惡客對賢人

狂瀾倒海不能回濁世空教老此才
小范胸中甲兵在
相逢孤抱倘予開

空津見發庵太傅敬呈一絕

瓣香早已為南豐未有詩名正字同一事
勝渠差自喜
白頭猶得侍歐公

次韻答息庵丈

奇氣四海知憐才出嗜好平生丈人行
珠玉報難報憶
昔中興時眾傑挺殊操
湘鄉為之魁
盡瘁未及羗不朽

德功言萬流仰先導服膺獲所歸餘子供睨傲文章何
足論大業在堂奧太息時無人談笑藐群盜餘事娛詩
歌異軍專一纛因檄俯仰拾逢原左右芘甘媚鶯燕傳
崖襍蠹蚓噪向來山水癖隨處置行竈臨淵樂魚躍窺
崇悅禽苑忍今天君尊浪為俗物耗從公一遨遊祛我
千毳靴執鞭良所欣相期得深造

昆明湖同看樹作

爲蜩聒兩耳始知在郊坰西山當車來媚我一髮青離
宮倏在眼劫後方此經殿閣鬱嵯峨赫濯積皇靈當時

宸遊地列居稅其楹走趨裸備保時聞歌笑聲代與古
亦常倫亡今乃丁太息人既稠實坐天維傾游觀一眴
娛哀樂難為衡

大月破層雲千頃浴琉璃急雨收崇朝一劫泛清漪幻
此萬枝繪天倘吾徒私能詩好懷翁語奪造化奇效舉
難為工嘔心甯非癡

香山禱詠

平生四方志老去專一壑雙泉在山湄心跡幸有託開
軒面南山濃翠几間落文柯蔭嘉石列坐天可幕乔木

逃斧斤魚鳥忘矰繳游人日日來設闕不用鑰物我各
有適斯園非獨樂 秉三雙清別墅

有養而無教老壽等夫札教不以其道既乃烈於殺仁
義有不為煦煦而子子茲山故名勝佳氣鬱帷闥八百
孤寒兒蘭芽各怒茁姆也為之師提命賢強聒繕性慎
所習設邪絕萌蘗山下出泉蒙聖功固宏遠 慈幼院
四海一任公名至謗亦隨終古此邱山世論猶然疑阮
窮詎非幸既達翻可悲因人事無成被責傷群兒奪命
果何由洞垣失良醫吞聲暫徘徊感喟申吾私 任公

墓

題烈婦費莫氏傳

古莫不有死得所良獨難死亦不為名一殉心乃安侯
門有淑媛詩禮習以嫻夫壻名王子意氣何翩翩矯健
詭身手廣陌馳雕鞍奔車終擔撞顛置塵埃間裂膚復
創膚血濺輪蹄殷昇還躬濯裏喘息俄攀延偕老無白
頭同歸有黃泉病榻出一語信誓實唐捐仰藥不返顧
坏土埋雙棺夫死輕鴻毛婦死重泰山敲辭壯士口大
義弱女肩吾詩非闡幽持用羞衣冠

甲戌秋蒼虬請急來故都余扶病自上海來會日相
過散原師所又數與息庵丈病樹諸公作夜談蒼虬
有詩督和吹韻一首

穿眼三年成此會攢腸萬感欲無言天曰地動斯文在
雨晦風瀟後輩存老媿黃花支晚節病醜濁酒暖羈魂
懸知後日難為別夢裏燈痕夜夜溫

送蒼虬出關時余亦將南歸

去國仍依主憂讒不憂身人天有通塞神鬼察艱貞千
里一晌別三年十日親明朝分袂處忍淚看車塵

寄懷心會叔明兩王孫即次叔明送別韻

芸芸衆萬間各以氣類隨君子難苟同常懷孤立悲王
孫好兄弟談麈清宵麾破睡驅萬魔仰視星月馳絃歌
復間作藝事靡不為嬉娛猶眼中此身忽天涯道阻有
形隔志合無情改結廬願倘遂尊酒驩相持

病樹生日有和息庵文詩即用其韻為壽

神嚇人驚萬首詩彌天奇氣鬱鬚眉降生未要賡周雅
覽於猶堪誦楚詞命與仇謀知不悔學違時用豈關遲
門牆看取新陰長一代河汾自可期

甲戌生日口占

三年廢讀夢莪詩此日彌懷主我悲已閱百憂方亂始
不辭多病與衰期鰥鰥羈縶身如贅落落貧交俗尚疑
政爾有涯寧待遣世間難遣是無涯

乙亥元日試筆寄懷義寧師故都

歲月於人作意催又攜霜鬢入春盃互傳吉語元元賴
纔省歡悰已得哀輿道有文竄小枝乘時樹業總凡才
草玄寂寞揚雲老可要侯詭載酒來

正月初三日雪象異有詩次和

翦水飛英乍滿空
天將我檢賺詩翁
穿籬半帶蘇花雨
拂檻斜飄起絮風
羽化頓歸無色界
功成元在不言中
腐儒無分闕
飢溺懶扶雞豚祝歲豐

次韵答仁先

書來為說不勝寒
窮塞春歸少菜盤
遺世故應忘冷暖
好詞終類嗜酸鹹
樹猶如此江潭柳
芳不因人楚畹蘭
知欲奮飛無羽翼
願培風力待高搏

病渴一首和病樹

病渴文園慣少歡
望梅聊止不成酸
嬌多力弱憐歌苦

袖薄歸遲怯暮寒孤賞未妨行我獨此才微覽入時難
無言紅萼空相憶趙瑟秦箏平向閑

再和病樹

梅邊索笑有餘歡莫待成陰子帶酸庾嶺一詩春思好
江城五月笛聲寒空憐楚寶完荆璞誰識秦珠重未難
趙李經過漫相擬紅氍一顧已歌闌

題芋龕抱照堂用好懷翁韻

如山憂患迫人來到眼沉冥事事哀自翫孤光娛獨坐
盡收群慮鑄道才澄觀水月濶初定歷試風雷氣不回

此詣故應闕道力吟懷長共好懷開

乙亥九月與蒼虬相見故都出示詩卷次病樹韻題其
後

嘉會苦不常為樂亦已細所賴冰雪腸煥之以文字平
生蒼虬翁孤出天所異安危厲巨節微利恥奸志疑謗
空爾為掉臂行吾意新都鬱多感好句入奇思鏗然感
池者宵默非一世元精燁層霄沉慮穿九地吾曹互沆
瀣努力各有詣從來著述業不與功名事相期保天德
性命此攸寄

乙亥九月下泮五日義寧師挈眷招目息菴丈蘄水陳
氏兄弟及若木木公病樹飲便宜坊復遊陶然亭澗
追緝之劍秋兩文人仲虎蔭北味雲彤士諸先生分
韻得士字

江亭一勻水觴詠集朝士卅載違登臨負此風_(日物)美吞
師義甯安若健忘菴函宣南便宜坊鴨炙入刀匕九月
霜天高沽醉扶杖屐招携盡徒友家人襍婦子酒罷戀
寒陽賣舊復茲抵入門獲吟儔謀野契幽旨孤歧涸埃
氛寂照暇朝市時聞商籟哀坐覺秋氣後肆志猶吾曹

遺世聊自詭靈光炯歸然嘉會書在紙

題蘇文忠遊仙潭記墨拓

坡書嘲墨豬此拓獨瘦硬物情實所稀人車吁可鏡履
危恥行險亂涉匪由徑掉臂忘崎嶇匪腹置穢穢當時
殊勇怯晚節判忠佞從來意氣驕終非性命正取友宜
端人君子疾剝輕

和蒼虬

隔年來共酒盃深盡遣閒愁付醉吟天意餘生符獨往
君思一老許相尋響塔蟲助秋聲咽窺戶蟾知夜漏沉

耐得清寒好風味不將冰雪質春心

與蒼虬別旬日矣夢中相見如小樓夜話收覺後枕上

成此寄懷

拚將美睡酬歡會又挾邊聲警亂離三絕弱齋君不愧
一長叔珩我猶疑漸驚老至嗟來日每惜閒拋憶往時
歷歷魂痕溫語笑夢回惟有短檠知

和病樹與衣詩

到手黃金散不收一寒冱為故人羞萬間廣廈徒虛語
斗酒成都尚可謀避患漫褰東郭褐釣名翻笑子陵裘

它年倘共蛾眉贖認取襟痕醉墨留

飲酒和蒼虬

三兩腐儒無著處偶如秋籜聚風前開尊忽憶承平日
此酒差齊我輩年縉紵交期猶近古壘篴樂事信闕天
不須枕簟安筵畔才得微醺抵晏眠

慚余小戶不能豪強飲猶堪一舉瓢論史茂先原靡靡
談玄夷甫故超超二難更有宗英在襟生還如田父要
街拆無聲寒月上鬢然花影亂窗搖

一老閉門方止酒群昆分釀與忘憂他時對月成追憶

來歲看花可自由鬚髮雖皤猶昨日肺肝能暖失高秋
門生未辦籃輿挽沽飲翻勞解杖頭

平生萬事輸公等誰分交深謗轉同清濁並空三品外
醉醒寤在一瓶中從教輕薄為文哂不識窮愁得句工
好景易道君記取畫圖留踵石田翁

為衆異題定之畫梅

點綴繁枝著意新純憐幽獨此花身空香霑手無開落
長傍詩人作好春

衆異同年出示所藏黃忠端曹忠節合裝字冊曹書為

退庵中丞舊藏有長跋記之已易主矣復為眾異所
有亦嘉話也故題一絕

兩緘壁合尊鄉獻一紙珠還重祖題曠代墨緣忠孝在
古香夜夜發檀犀

爰居閣詩夢圖為眾異同年題

睡美遺鍾鼓無心任轉蓬地猶江海接思欲鬼神通宇
定意無妄陸沉吟有功丹青恣難寫此境在空濛

題眾異藏王文簡公稿詩後

自是承平臺閣人故應絕代擅風神即今歌吹揚州路

誰治紅橋十里春

不相輕薄不相師收拾遺箋與護持畢竟詩人意忠厚
時賢嗤點轉堪疑

山陰米心佩其先世當明季築樓於邑之西村名依雲
饒山水之勝子孫世居之至今三百餘年世澤可謂
長矣心佩新葺之齋樓下一室曰磨廬溥雪齋為作

圖要余題詩

高樓星斗夜插椽帶水屏山三百年塵世浮漚幾滄海
故家喬木猶風烟斯廬蒼貫故無改謚之以磐安且堅

更張畫圖播歌詠勝迹倘共蘭亭傳

集山谷外集詩句為跋可題晚翠軒遺墨

林侯維閩英窮寃世未窺誰憐一網盡殺之如奕棋詩
句妙九州斑斑被諸兒豈如不見收秣馬興言歸翰墨
化糟粕載行欲安之明明故人心要與斗牛垂非關自
取重天下無相知滔滔今如此風雨思齊詩

題忠禕圖

夜半在懸榻天起寺前老禕抱心死酬恩豈止為先皇
直殿萬古君臣交樛柯攫拳如屈鐵對之凜凜生義烈

人情動為異說遷愧此木強持一節空山恥共賦戴天
枝葉自摘神自全物能為妖亦為瑞正氣所宅非偶然
陳侯悲嘆世無有繪圖賦詩期不朽淚墨淋漓意態奇
卷中尚作風霆吼

夷門行

夷門有女年二十碧玉小家人未識趨來妍唱動江南
藉甚聲名推第一鏡鼓登場小致詞輕搖檀板板和鳴絲
轉喉吐出如蘭氣不道盲翁是本師容光照坐春宵暖
點屐踟躕髭鬣軟眉岫翠添一寸嬌顏潮笑暈雙渦淺

淡笑嬌顰各有情
細腰宮裏鬥娉婷
即今嬌嬌空羣輩
從古頎頎咏碩人
彈詞慣自稗官譜
半託興亡半兒女
有時調笑能解頤
如匡說詩髡醉語
彩扇能歌一百回
紅紅記曲本多才
場中已榜黃驄樂
坐上翻題赤鳳來
徵歌競擲纏頭錦
重譯猶聞傳倩影
油壁何人許並肩
華筵枉自勞延頸
十年病渴老文園
暮暮朝朝強放顛
閒置暫同新婦語
躑躅還博美人憐
玉趾衝寒遠存問
梨棗殷勤重投贈
何以報之無瓊瑤
九張機上網繆絛
綉縹綉縹能幾時
閒情一賦聊爾為
逢場賣弄有妙理

紛紛輕簿休猜疑

庸文題剋門行後四絕次韻奉酬

廿載江湖鬢有霜
老懷無那付吟商
酬歌百琲渾閒事
輸與哀鴻作稻粱

春寒惻惻上層樓
憑仗清歌一散愁
陡憶宣和遺事在
為伊重賦少年遊

人間風月總多情
願盼微憐太瘦生
一種風流描不得
故應絕倒有阿平

盈盈婉婉惜年芳
嗹嗹鶯吭類轉簧
贏得尚書揮彩筆

安排小字句中央

為周叔攷題自莊嚴堪檢書圖

孔不為丘經束閣舊藥值乃兼金論尋行數字校點畫
善本孤出尤殊珍富兒插架手不捫貧士顧視徒逡巡
閉置篋衍飽蟬蠹何異一炬遭甌秦周侯善聚復善讀
牀前懶祭書連屋夜深燒燭理部居有似然藜照天祿
奇觚篆隸見萬本分餉寒儒羞障麓鑿藏家恥快一洗

綴詩畫底與張目

丙子元巳釋堪禊集秦淮河房未赴分韻得金字

春寒散景屋虛深
稷飲虛勞折束尋
明滅霸畫圖看堪擲電
崢嶸王氣厭埋金
憂時漫下新亭淚
視昔聊同曲水吟
後曆將軍老無用
神州袖手作詩淫

南歸道中懷義實師蒼虬翁兄弟並平津同遊諸公

平生四海幾師友
千里一堂仍弟兄
握手預愁今日別
驚心還警故園兵
斯文所在關元氣
此會能常即太平
搖兀車茵共誰語
卧聽鐘漏記郵程

蒼虬偶病瘡賦詩四首見寄次和

乖沴賊正氣百端相煎侵直聲回所讎
遏抑使之瘖剛

柔並一茹過失誰敢箴平生骨鯁懷結舌強自禁胡為
更示疾噎暗非所任靈鐘苟在懸不叩常欽欽雷聲出
淵默震奮占天心

人生墮苦趣愁病相折磨我婦與君婦致死同一疴臨
訣不得語眼枯猶矐矐不知何因緣遭此神鬼訶百年
遭強半有如日西墜嗟嗟後死身所得寧復多橫流方
滔天願視無安波欲涉將焉之堂堂付蹉跎不如竟無
言逢人但何何

涸跡託都市境喧心轉寂微吟答天籟羣動歛一息師

友豈不懷山川若乖隔萍蓬偶相聚別去彌可惜萬里
雲雁翔篇章互投集觸時增新悲感舊發幽憶此意在
天壤終古無時畢

壯歲逐世紛差幸不遠復顛顛客江南昂影慚奇服沉
為無母兒涕淚送饘粥厚恩負君親此恨亦已宿進退
禮義間羨子有高躅冥行多歧途導我以明燭

題湯貞愍公遺像

早從讀畫緬流風遺像清高寤寐通父子孝忠為世業
孫曾儒雅見門功輔觀妙筆傳坡老毛髮英姿想鄂公

琴隱園荒朝市改齊名猶並鹿牀翁

爰居閣宴集瓶文有詩紀事次和兼呈主人

明燈四壁照清酣長夜厭厭醉亦甘況有紅妝圍綺席
渾忘華髮上蓬簪逸香乍可通眉語善譙徒聞健口談
卻笑唱酬餘結習未妨文字與同參

七月二日瓶文假坐爰居閣夜宴即事疊前韻兼調衆

異同年

襟坐尊前笑語酣夢回猶覺有餘甘凌波幾見塵生襪
墮枕都無玉作簪女子善懷元易泣書生好色亦空談

風幡自動還心動轉語憑君更一參

四日復集沈季宜新居再疊前韵紀事呈同坐

拍肩挹袖姿狂酣說美真如說士甘機上鴛鴦惟織錦
枝頭鸞鳳祇栖簪可能妙技親教舞失喜鄉音許共談
風露中宵漫歸去萬燈圍若一相參

次放庵文韵題橫雲山莊即以爲主人壽兼呈同游諸

公

波光黛色匝天圓俯仰空明萬象微頓覺吹噓挾靈氣
欲將效唾共雲飛蛟魚神夢無今古鷗鷺忘機況是非

罷酒狂歌呼月出不知零露濕秋衣

驅除山鬼揖天吳割取仙家作異區萬頃玻璃開曉鏡
一樓枕簟卧晴湖聲名合繼三高傳主客宜賡九老圖
吐納淑靈溫氣海人間原自有方壺

海軍聯驩社池荷有一柄三花者劍知繪圖徵題
奇花發碧潯繁影艷沉沉瑞擬臚傳甲垂如腹有壬柄
擎珠樹重蕊載雅杯深為遣鴛鴦為妒丹青著意臨
和寥士見贈原韵

五公大度誠佳士不數元方與季方求友有聲歌伐木

君出詩十數
首適示坐客
救亡無象繫包桑
時及頗事
時流詎足闕清濁
私議猶思附激揚
慙媿品題到阿買
山川秀麗負衡湘

丙子除夕

一年頓向今宵盡
萬事都隨逝日通
領取燈筵小兒女
又傳吉語賀新符

聒聽鼓吹自朝轟
向老愁聞換殿聲
獨捻短髭敲角枕
聳肩癡作凍蠅鳴

丁丑元旦

春歸仍舊腊
病起得新年
藥氣侵書幌
花光媚紙筵
文

章定身後詩律自生前一殉為儒賤何曾博委賢
次韵和子有新居落成

還從人境結陶廬花影窺簾月上除閉戶自將三徑埽
擁書猶抵百城居閒畦甕抱忘機井勝日門交好事車
不待風烟十年長謝庭玉樹已扶疏
故家喬木風無改避地新廬世又遷
溫坐黃棉容偃蹇
映裾碧薜門嬋娟何時獲踐為鄰約異日應成泊宅編
竹外行厨花下饌會看襟上酒痕鮮

從父兄遜初

君年六十初登一我年五十還加九不知白日回青春
但覺米顏成皓首從父兄弟都十人惟我與君情最親
石塘東西兩頭屋醺醺書味搖燈脣文場掉鞅不稱意
東走扶桑習專對拾才我亦怨春卿詎管科目嘲新貴
意氣如雲不肯平販繒屠狗皆功名要知攀龍與附鳳
此事自古非儒生錢唐江上鳴鷗路歷盡滄桑不歸去
清白猶為父老憐嘯歌且作湖山主十年冠蓋老京華
紙尾畫諾蜂趨衙春申流人二十載貨宅三徙如浮槎
吾儕遭逢只如此世上榮枯何足擬君雖與我同一鱗

架架三星差可喜六歲能哦五字詩
老來才調尤恢奇
千金散盡不自惜引滿大笑羣兒癡
平生出入山水窟
篋中名迹深哭兀笻屐歸來復卧遊
洗滌氛埃養仙骨
西泠橋畔多春風桃李芳菲能白紅
年年此日一尊酒
期君看倒三長松

江南道中

東風煦郊原景故顏色新如何鏡中貌不復
回韶春乘時道非貴守拙誼所敦無為羨草木
感此吹噓恩
丁丑三月望前一日心會叔明兩王絲招同息庵文蒼

虬病樹羹梅看花萃錦園時海棠尚未盛開蒼虬有
詩紀之旬日再集則海棠已謝蒼虬亦還長春復郵
示絕句五首余行將南旋因次蒼虬海棠詩韻留別
兩王孫並寄蒼虬

深鎖朱門傍曲池萬花接唾見瓊姿綠章不惜千回奏
紅燭才堪一笑持夾喜風光指昨日微憐繾綣不多時
傷春惜別兼懷枉腸斷冬郎數首詩

虞琴七十自營生壑於超山梅花深處繪圖索題
忽然為人已旒贊作計何須到遺燒仁孝由來異遠觀

所受幸全忍輕置浮生逆旅終歸休不營華屋營山邱
墓門那用植宰木梅花萬樹昏松楸古稀坐閱人間世
白髮丹顏自遊戲載酒年年上塚來摩挲短碣親題字
為衆異題韓蘄王翠微亭題名拓本

裹巾一字換兜鍪驢背心情不自由愁絕翠微登覽處
可能流涕說池州

明月好山今尚在全牌銅臉迹都陳只將南渡無窮恨
付與千秋好事人

散原師執辭

謀國尊先覺違時懔後彫和光絕畦町孤尚自雲霄壇
站嗟文喪衣冠惜道銷固應千載範何止一時標
道愧淵源接情逾肺腑親文章持誘我孝友許為人治
館常懸榻移家預結鄰平生無限意此日在埃塵
身有一朝盡名猶百世稱餘生和烽火垂死戀觚稜牆
賜知難及堂由倘許升廿年遺札在未忍發緘滕
惘惘出門送回思最可悲玄亭虛載酒闕里罷論詩未
信疑年誠真成盡命期吾生更何有大寶是人師
哭寢無由達兵戈道路屯綢繆未歸骨迢迢與招魂熏

像懷淵度繕詩認夢痕藏山有傳業匪勉答深恩

卧疴

兵火光中著此身小樓隱几狎孤呻煩冤野哭添新鬼
迢遞郵書少故人賸有回腸能貯淚微憐渴肺久生塵
藥爐茗椀尋常事木榻能穿即幸民

感事

徒薪曲突竟無人焦爛為期豈邱身言利事猶師孔僅
連衡策早失蘇秦木雞全德方堪門易狗無靈況已陳
十萬兒郎好身手頭顱擲盡只成仁

丁丑九月亡室忌日設奠致十年矣奠滄西虹橋公墓
時方有兵事故五句及之

十年忍死吾猶在九些招魂汝不還
賸欲相從遊地下
斷無可樂戀人間
盪空兵氣遶丘隴
蕭坐靈風想珮環
剗罇杯盃盞
營一奠啼紅雙蠟照衰顏

所得

所得餘衰病驚心
事事非眼枯知淚盡
腰瘦覺衣肥術
業文章賤恩情
骨肉稀安巢定何處
辛苦鵲南飛
哭三弟

我生己卯君辛卯少我一紀未始衰是何螫賊宅汝肺
朝嚼暮嚼甘如飴頗聞此疾非月日洞垣恨不逢良醫
坐令粹發不可救奪去太速今猶疑回思春時來省我
膚貌白皙豐而頤既豪飲味復早起竟日語笑歡忘疲
初秋譁傳海氛惡避地欲去還委蛇兵塵倏忽滿南湖
骨肉未忍輕睽離出門同車入對席照天烽火仍墮麓
涉冬上氣兼苦嗽我亦病此同呻吁何圖我瘥君轉篤
項底骨出顏色黧足脛重腫面目腫吐唾腐真如糜齒
可憐留命為我壽強持一息風中絲登樓視君慘相對

痛淚飲腹摧肝脾遺今有語不得語我揣君意陳其辭
君聞我言首再領漸眉雙目舒攢眉平生恩緣遽盡此
賸向殞舍收君屍六人弱二君又繼雁行終古長參差
孤鯨一身久寂寞君來伴我增我悲我主福薄分覺獨
只合古寺披僧緇君無他長但謹愿柔懦往往遭侵欺
不才之木斧斤赦此語未信天難知壯者已逝老何恃
行矣與汝黃泉期

丁丑除夕書示五弟三妹及諸姪並寄二妹長沙六弟

夏口棟兒天津

憂患來如山日月去如水五十九年過一夕今餘幾人
情每惜逝眷眷難自己况復同氣人殞宮卧新鬼生存
半離散南北各千里眼中收骨肉弟妹兩人耳燈筵烹
活火圍坐襍婦子舉酒誰能歡相看淚承昔願言長保
聚娛我垂暮齒來日方艱難毋忘歲寒旨

戊寅驚蟄後大雪和昌黎春雪韻

天已行冬警人猶樂歲謠乍疑包地盡終怯倚冰銷皎
潔欺妝面輕盈擅舞腰津迷前日渡柯改故時條簾薄
還侵戶蓬雨欲礙橋光綫占霰集無力任風搖燈冷敲

棋夜窗明讀易朝鱗傷龍甲門羽惜鶴齡飄萬里沙鋪
陳千家淚織綃閉門從可因煮海未須饒

疾齋與巢民徵君同以三月十五日生戊寅避兵客上
海以是日假觀槿園集賓客作徵君生日酒罷授紙

索詩賦此紀事即以為壽

疾齋水繪好孫子文來奕葉能步趨遭逢身世大相類
覽揆月日仍同符年年暮月之望再拜遺像春傾尊遠壺
周甲加六歲在戊避地賃廡窮海隅平生交遊半乖隔
藕孔猶得私吾徒春風駘蕩韶景麗市有美酒甯辭沽

君言我生偶喪亂性命偷活如亡道繫我先澤未墜地
請以降日謀一娛孝侯園亭盛草木許我花下安行厨
辛勤更為調食譜蔬筍雖餼甘且腹壽煖壽墨有近例
數典敢忘非誇誣吁嗟疾齋誠好事光昭令德何勤劬
校刊遺集賢重器力苟可用不肯餘後先同物世豈無
姓字磨滅徒區區風流一門三百載高會乃與常人殊
丹青貌出鬚眉癯膝以董姬冰雪膚草書掛壁意飛動
體質微損神不渝印章卷冊各哀列滿堂動色相驚呼
傳觀坐立狎少長畫師數輩賡為圖譚易詩城門敏捷

餘亦受簡供吟摹我思當時重節概氣類結納無睽孤
陳方侯吳並矯矯文字飲與紅羣俱政哀清議猶在士
隱挾褒貶持其樞即今所居果何世祀禁者俠亂法儒
吾儕有口但結舌如魚吻沫聊相濡纂組章句差自喜
視昔未可區妍媸同人之集君倘續並壽百世快前謨
哀張生

奇肱飛車壓雲黑颺吼霆旬鬼神泣我身亦自有羽翼
奮起摩霄森搏擊男兒志與蒼昊高誓雪國恥摧天驕
那知聲名重泰山早辦性命輕鴻毛翻騰決盪好身手

以寡敵衆亦何有破碎河山破碎心一擲成仁天所厚
戎馬書生年少耳蹄殤跡壽疇榮恥循更有後國有人
生不虛生死非死大書深刻碣道旁其名若翼姓則張
小軍山前伐社鼓會看薦食從睢陽

壽梅泉六十

君與我生同己卯行年六十未染老我髭已自白如雪
君亦微霜添鬢編廿年所遭極喪亂四海如今盡枯槁
苟全顛脫得歲月起視故國傷懷抱涕淚半為師友乾
骨肉漸憐昆弟少若將形骸敵憂患安得容顏常美好

矧復抗志違時趨各躡前蹤事遐討識字由來誤子雲
讀書自昔嘲殷浩君真儒者善治生再攝吟巢躬却婦
我從賃宅今十年繞樹無依類窮鳥吾文未敢窺歐王
君詩已看親庾鮑撫絃嗟我感幽單鼓瑟艷君賡窈窕
身世略同才命殊固知此事闕蒼昊寸心不許生荆棘
二樹終期見梨棗作歌壽君還自壽松菊歲寒永相保
戊寅九日同梅泉彥通病樹園際飯店廿二樓登高病
樹有詩即次其韵
良辰剗罍共清遊喜子生還此暫留直上層樓貪暝色

不辭衰鬢與高秋
曠觀豈果窮千里
俯瞰差堪納萬流
漸隔烽烟親茗椀
未妨作客當歸休

拔可先生索題還枯軒圖

枯生空山中
榮枯等閒耳
一贈復一還
交情見生死
維閩足詩客
吾習鄭與李
墨巢海藏樓
弄木門深美
取材松柏間
靈根勞再徙
拜嘉隆付託
全歸篤終始
樓空人亦逝
神物竟同萎
不辱灌溉私
政以報知己
榜題觸舊悲
圖繪發新涕
當軒聽濤人
寂寞秋風裏

題鶴亭戊申詩卷

手寫詩篇紀戊申先皇此歲棄臣民深宮十二年中恨
杜鵬字魂歸亦愴神

奮筆雲霄意自奇他年移國倘前知梁家園畔荒荒月
曾照微吟擁鼻時

當時歌哭無窮事今日流亡待盡身回首先陰詩卷裏
始知猶是太平人

落花八首

莫向危闌惜命輕芳蹤來去故嶂嶸多生自閱荒荒劫
一往空餘脉脉情政爾後凋何所用不關先撥早辭榮

成陰結子他年事且辨淒涼了此生

斜斜整整淺深紅無主樓臺夕照中
歷亂燕鶯歌吹海翻翻
蛺蝶綺羅叢抱香有質還天地
委運何心怨雨風
過眼漫嫌春夢短可能佳景四時同

惺惺長自惜年芳飛絮遊絲並作場
不壞真空遺色相
難捐結習賸文章殘英尚詔迴
風舞委蛻猶今石土香
絕代妍華成掩抑等閒贏得一春狂

搖落深知百不辭翻從決絕費然疑
迴身背面腸堪斷
忍淚無言意更悲如此才華終負汝
自成馨逸待貽誰

可憐堂坳餘春在只有詩人解作癡

小謫凡塵又一回不辭辛苦為誰開
刺天絢爛非無命唾地繽紛也費才
風便尚容窺戶牖陸沉終是傍池臺
最繁枝上高難託輕薄浮生事事哀

芳情曾記媚靈修偷嫁東風可自由
漂泊豈容矜去住浮沉那復問恩仇
柔香蝶夢栖難穩故國鷓啼恨未休
春色畫工描不得黃金捍撥使人愁

剗地驚飈白日昏天涯處處漬啼痕
傷春傷別渾無奈傾國傾城總是恩
漸減景光仍繾綣無多薌澤與溫存

人間尚有癡兒女待挽芳魂返蠹根
道是春歸卻未歸餘香黯黯點春衣
釵鈿從此無消息
茵溷何曾有是非舊賞園林仍昨日
新陰簾幕只斜輝
風懷收拾教誰見賦罷閒情自掩扉

題讀無用書齋圖

新莽師周官僭竊勇作偽改制記素王穿鑿義尤悖退
賊誦孝經見乃童騃類一字釋萬言瑣碎但詞費侮聖
與泥古二者實交弊遂令矯枉徒六籍付束棄逐真如
飲狂變夏到文字誰能識要道取一穰衆智蒼蒼天何

言無用用始貴堂下斷輪人糟粕語可味

顧鶴逸翁為人所作風木圖嗣君公雄以重金贖歸徵

題

大塊一噫氣樹樹無寧枝有親不待養取譬留其辭紙
上忽寒色冷然天籟吹長康筆有神替寫孤兒悲名迹
不可闕遂為估客持令子紹弓冶獲之如傳衣父分母
所天焉用不祥疑堂萱亦已萎展卷滋涕洟慘澹揮毫
痕永矣棧杯思

己卯九日同梅泉昆季祇庵病樹廿二樓登高兼懷蒼

虬

簪萸隔歲記同游
掩袂傷高復此樓
夢裏殘山身外酒
眼中夕照鬢邊秋
悠悠窮塞雁千里
擾擾神州貉一邱
節序不殊人事改
憑闌天地入閒愁

拔可九月置茗觀槿園邀客作重九余未能與越日拔
可出詩索和即次元韻

海上羈栖二十霜
年年隨分作重陽
危時勝踐心如左
諸老流風世漸忘
烏帽即今無地落
黃花依舊為秋忙
分曹各自澆杯茗
倘洗人間冰炭腸

勤伯乞題所畫美人

嶺上幾株梅嶺下一叢竹拈花絕代人欲去還躑躅
壽子康五十

身世界同侯雪苑生朝還共陸龜堂兩賢尚有翰君處
五十為兒樂未央

偶同顧曲常攜女更喜舍館早弄孫此日臨觴須盡醉
承平回首各清門

九月十九日薄治具為展重陽之會庸文先之以詩敬

次元韻

絳葉黃花對濁醪，層樓佳氣與天秋。
高請看照坐千章錦，是日文章先成不數堆。
盤五色糕自笑推敵同鳥瘦，可
能排冢敵韓豪。一句佳節還重展，且勸加餐雪兩整。
坡
兩整所雪
勸加餐

冷芸詞卷上

湘潭袁思亮伯夔

虞美人

石父文為張靈後身靈鷲師以夢晉長江萬里圖便
面為壽出以見示為賦此解

分明翦取吳淞水中有銷魂淚扁舟無分載西施一任
和愁和恨到天涯誰知贏得三生債不共滄波改吳
頭楚尾慣經過多少前塵影事暗消磨

高陽臺

雪後與易實丈游中央公園社稷壇舊址也

古柏簪花暗簷捲絮林端霽色微
明玉宇高寒客懷重
到須驚蜃樓遮斷金鋪路
怕燕歸還誤窺楹黯銷魂夢
裏蕪痕闕下車聲
么絃莫奏迎神曲
但塵籠烏帽釵
裹紅瓊一掬滄波銅仙鉛淚
盈盈寒鴉不管興亡事
傍夕陽猶戀觚榭罷登臨
燈火重樓鼓角高城

洞仙歌

題蔣谷香先生垂虹詞夢圖

燈昏水驛正宵寒
風細宜有詞仙與遊戲
笑扁舟載了

雙槳來時波心盪縹緲垂虹十二
太湖西畔去不管
清寒為喚盈盈玉人起低唱慶宮春無限風流弓腰在
隔簾曾記料十年夢覺彩雲飛其未比丹青畧曾如此
燭影搖紅

荷花同彥通作

紺玉生烟是誰耕得滄波碎
蕞絲斜約筆紋歌紅浪翻
秋被淺暈朝霞似醉鏡筠開凝脂半洗暖香飛麝膩錦
葉鴛柔香滋味
急雨初過綠盤擎出銅仙淚
瑤房空貯苦心多別恨
千絲綴鳳股釵頭顛墜
向西風舞紅怨

翠露零鷗冷拚共嬋娟伴伊無寐

拜星月慢

秋齋卧疴彥通拈此調屬同賦

雨葉啼螿霜砧鷺雁做得秋聲如此一夢滄江換西風
人世嘆前度慣覺朱樓紫陌游冶醉玉吟香多麗不似
而今總部光虛費記桐陰淡月吹笙地人何在似海
侯門閑負御象管鸞牋賦深情難寄問飄零怨葉宮溝
裏可曾有萬一相思字怕盼斷碧海青天隔蓬山無際

宴清都

有贈

繫馬章臺畔歸來燕一雙
花下重見眉峯減翠腰支損
玉淚波雙臉平章艷冶都慣
莫未抵蘭情蕙盼話渡頭
挑葉東風前塵影事多感
殷勤畫扇傳歌金船勸酒
愁黛羞歛候門一瞥蕭郎陌上
故情依黯芙蓉舊時庭
院早付與斜陽一半又霜楓冷
入衣紅淒淒弄晚

秋霽

丁巳中秋同彥通作

如水樓臺浸紺海水壺半翦秋色
搗藥流鉛椽香垂珮

素娥弄寒無力桂尊餞夕幾回閱世成今昔但嘆息人
去忍將歡意照陳迹 應念倦旅侶悵隔天涯夜來鄉心
清恨何極更蘭閨晶簾下卻多情翻自淚霑臆彈向四
絃留怨抑到酒醒後還怕晚晚韶華舞鸞鷺曉冷蟾愁
寂

浣溪沙

同者文彥通汎舟南湖止於舫齋時主人游滬未歸
賦小詞二章留贈

作意清游未肯孤
半陰晴候嫩寒初
點波雙槩倩鷗扶

湖
漸老菱枝經雨瘦未凋楓葉飽霜腴
鶯波橋下是南

無數菰蒲亂繞門虛堂人去幾黃昏
客來留夢待重溫
三面好山都到枕一灣流水自成村
此中消得是詩

魂

高陽臺

月夜泛湖至彭祠光景奇麗本丈高吟東人買得漁
舟度歲華之句余亦有浮家意感賦此解

鬢影吹涼眉痕替月烟銷捲盡宮羅露
脚斜飛點塵不

到鷗波水天共色秋無價似泛查人在銀河動清吟驚
起雙鴛好夢梨_高 彭郎祠宇新題換自神州劫後未
忍重過曲曲回闌蕙_絲 微颺殘荷湖山不負清游興賺
詞人心上秋多更何時一擢尊然一笛漁歌

燭影搖紅

賦杏文西湖別墅

萬嶺西邊畫樓俯瞰波光碎四山廻合送青來飛作檐
牙翠接岸枯荷亂葦窄盈盈凌波步綺臨流洗硯倚檻
敲棋游魚鷺避 絳節歸來鑑湖不乞君王賜_{別墅落成於宣}

統初元文方自捲簾遙指故行宮忍話滄桑事一掬西
海外持節歸也
冷膩水閣興亡於今又幾石鱗斜照銅輦秋風人間何
世

霜葉飛

天平山看紅葉同春音社中諸子

斷霞明渚墟烟外羣峰爭門眉嫵綴霜蕃錦在寒枝烏
弄春晴誤聽瑟瑟清商自語河山如此成遲暮看亂拂
蒼巖間瘦碧痕黃料理夕陽紅苦還嘆過隙駒光未
顏愁老秀鬢空憶前度杜鵑啼恨下平蕪夢遠吳江路

漫一逐荒波去住人間多少消魂處倘載將相思字流
到天涯教伊知否

曲游春

借彥通游徐園同賦時彥通將有北行

倦洗箏琶耳向舊家池館耽弄秋色叢桂留人散幽香
時度小窗簾隙颼颼荒波碧空流轉年涯無息看斷腸
幾樹斜陽都是別離踪迹賦筆工愁無力念詞侶飄
蕭歡事難覓滿地江湖幾鄰鶯結舍檻鷗分席津鼓催
征客又一舸西風潮汐怕再來認取瀉泥故情暗惜

金縷曲

癸卯甲辰間余游於滬濱有歌妓薛金蓮者明眸善
睐玉立亭亭余數招之頗極楚楚依人之致時余方
有所眷弗加意也既而所眷所適非人余亦自恨用
情之誤不復狹游十餘年矣頃從友人偶行曲中忽
與薛遇雖芳齡非昔而嬌波流盼嫵媚不減當年追
話前塵恍如昨日美人遲暮同是天涯為譜此詞用
誌懺悔

舊曲徵歌地記相逢盈盈碧玉破瓜年紀別有傷春幽

緒在篆縷難燒心字早自判懣除情綺不分今宵重相
見把新愁舊恨都鉤起渾如夢十年事 東風開徧閒
桃李只秋娘舊家聲價依然如此自是瑤英人第一捲
上珠簾十里但病渴文園老矣懊惱當時真鑄錯負橫
波一笑千金意空濕遍青衫淚

宴清都

秋感

怕展登樓眼西風外亂愁如草難翦重陽近也茱萸待
插雁行淒斷驚心滿地烽烟又悵望家山夢遠科淚波

流向瀟湘修篁穠翠都染 從教擲錦徵歌籌花鬥酒
人意先嬾幽蘭結佩殘荷製服落英抄飯芳情信美何
用其一例霜啼露泣拚今生冷坐枯吟年涯暗遣

醉太平

春痕黛螺秋痕眼波繡巾時掩香羅暈梨花頰渴 顰
輕怨多腰輕態那燈前夜夜聞歌斷人腸奈何

雲停響高花敬舞饒纖惹檀板輕敲愛唇來自嬌 蘭
吹舌椒紅生臉潮人前眉語迢迢隔銀河幾橋

鶯啼序

園林舊時俊賞敵銀屏繡戶翠樽滿醉折花枝捲簾天
半歌舞暗香動涼颼盪夕沉沉暑靄疑無暑但天孫惆
悵靈槎夜來風雨樓傍秋陰暫暝便齊颺晴雲暖霧
麝薰過翩入鷺馮黛螺新畫眉嫵弄歌珠梁塵暗篆似
偷搗霓裳仙譜更商量佳會明朝再聽金縷巾車乍
卸拓鼓重携又幾親笑語芳晝永麴瀾初定倦耳爭洗
閒發清商緩移箏柱嬌波送盼遙峯顰恨柔腸迴斷無
人省只聲聲化作情天絮餘音未歇無端瘦月斜陽送
人慘澹歸去陽春法曲響絕知掃正感今怨古問料

理金樽擅板付與華年羽換宮移為誰辛苦紅牆霧隱
藍橋烟鎖蓬山神海無夢到笑尋常蜂蝶猜都誤憑君
領取清愁杜若湘蘭慣題秀句

清平樂

臉霞紅玉眉語欺山綠一握柔絲親結束斜倚闌干嬌
足獨眠樓上花枝起來窗日遲遲金斗無心熨貼任
教揉損羅衣

儘人顛倒珍重知音少衆裏迴眸剛一笑不分占伊懷
抱者回纖手擎持含情似說郎癡辛苦朝朝按拍為

儂敲損筇枝

卜筮子

玉骨怯西風
枕簟涼初透
寂寞空牀
易感秋小病
非關酒
引領一聲歌
如雪蟠螭瘦
細掐程程一桁紅
錯認

新妝鬥

擲帽賭身輕
裁錦憐腰削
時把菱花
研粉妝睡眼
妨人覺
皓腕約輕黃
光映金跳脫
為有懷人十二時刻刻

思量著

雪梅香

春感

雨初歇涼雲葉葉弄新晴
傍高樓凝望郊園萬綠冥冥
花氣如潮上衣濕柳絲和淚入簾輕
暝烟合黯淡斜陽
愁滿江城
伶俜嘆時序劫後江湖又幾
清明往日風流
忍看畫燭銀屏雙燕歸來似相識
一池吹皺底干脚
知無益可奈愁腸在自牽縈

浣溪沙

示碧空

天遣多情不自持
廿年愁病負芳時
東風贏得鬢絲絲

未必好花能解語
慣拈幽恨與填詞
斷腸原不要春
知

浣溪沙

碧玉劉家窈窕娘
能歌不怕斷人腸
慣拋風月與評量

不惜兼金酬一笑
愛親密座接餘香
為伊重理少年

狂

一曲伊涼唱未終
何因惱懊損情悰
拂衣歸去太匆匆

鏡檻秋烟摧鬢綠
枕函春雨灑曉紅
嶺雲封恨一千

重

卜算子

冷艷恰宜嘆幽恨長盈抱便感多情也自傷況被無情
惱心窄不藏愁歌咽難成調卻向空房悄悄歸搵淚
羅巾小

愁黛鎖遙山淚臉融晴雪懶情無心弄晚妝零落鈿花
匣蹙蹙玉街頭飄舉憐風葉墜珥遺簪了不知獨自
成凄絕

著意與溫存無計傳消息青鳥殷勤為探看道箇真憐
惜憐惜也無聊輕薄東風力萬一飄零減卻春忍向

天涯覓

隔影却聞聲辛苦為懷熱聽不分明語漸低字字成嗚咽
命薄本天生魔苦將人劫一語還伊慰藉難空自
腸千結

清平樂

為天隨居士紀所夢

有情天老一枕屏山曉
選夢無端成懊惱
惆悵美人芳草
飄零燕子無家
東風不管年華便道
綠陰成也醒
來依舊天涯

踏莎行

瓶文以摺扇自書所為春江楊枝曲贈伊人極工緻
虎僕毫尖麋隄香冷聚頭小扇親裝整洛神細字寫官
奴斷腸詩是纏頭錦白香山詩纏頭無長物一首斷腸詩入握蔥柔遮
唇脂暈新涼黯黯驚秋訊殷勤懷袖已恩多他時留取

鴻泥認

一落索

揚子舟中

一夜朔風淒冽去舟衝客大江風千里孤舟雪寒衾如鐵夢難溫冰不了離

腸熱 遙想翠樓寒怯怨歌誰答歌聲莫道似濤聲怕
還比濤聲咽

浣溪沙

雲外迢迢一雁飛為伊雙淚到江湄斷腸心事有誰知
獨抱吟魂溫舊夢更拈醉筆寫新詞黃昏長是憶人

時

好事近

己未孟冬薄游漢上十髮丈招同梅郎飲於寓樓出
示靈巖垂柳圖話石葉舊事賦此為贈

離亂不成歸依舊相逢為客來共梅花一笑浣羈愁千
百石巢無恙柳毵毵回首總陳迹減卻青青雙鬢只
剛腸如昔

卜算子

與十髮文話湘事

爐撥劫灰紅酒澆征衫碧費淚河山幾夕陽老却填詞
客衡雁不堪聞歸夢和愁覓彈入湘靈廿五絃應有
鮫人泣

水龍吟

十髮丈工畫石賦此為贈

泛槎曾見支機羅胸燦爛皆星斗吟邊醉墨興酣搖
六丁奔走松骨鱗枯雲根髮膩苔皴烟皴笑鬱林一舸
仇池片玉憑攜取若衫袖 攻錯它山為友仗剛腸容
伊堅瘦高歌雪浪心存故國可堪回首荆璞終完秦鞭
不到白頭相守問平生塊壘此中都盡更須澆否

踏莎行

為天隨居士紀本事

吹息蘭薰遞香檀顆比肩私語凭闌坐漫驚羅帕有燒

痕都因緣特地燃心火
惜別憐伊催歸誤我載舟明日
江頭舸海綃六幅抵湘波
遙天共汝相思裏

踏莎行

倦不成眠醒還似醉
輕陰薄暝嫩嫩地東風吹老有情
天和天也學人憔悴
影妒花肥歌嫌鶯碎
一春嘗徧
愁滋味小樓昨夜捲珠簾
杏梢偷傳燕支淚

鷓鴣天

駕得雲軒日日來
橫波一笑被人猜
黃姑尚恨銀河隔
素女翻疑鏡殿開
攜酒去按歌回
簪花鬥草不須催

無端乞取烏龍去贈與空房作妒媒

鷓鴣天

絲侯壽筵即席有贈

璧月圓姿照座明
瑤池一夜奏新聲
人間豈有金為屋
海上空聞玉作城
歌管罷已三更
天寒袖薄可憐生
廿年我已風塵誤
忍見風塵更誤卿

清平樂

錦偎香貼撲座春雲熱
樓上華燈樓外月
又是清明時節
朝朝見了還休
心期眼意難酬
貪看聽惺忪言語不

知唱徹涼州

慊慊瘦損錯被旁人忖懊惱檀心無一寸多少閒愁閒恨
依前灭了銀箏傷心歌不成聲只許為伊憔悴從
今莫浪多情

減字木蘭花

不成將息強起當歌無氣力愛好天成從古蛾眉不讓
人無情芳草依舊萋萋青未了客燕伶傳又向江南
遇著春

誰恩誰怨怨覆雨翻雲天不管法曲淒涼只有詞人與斷

腸 黃金鑄淚著盡思量無好計苦恨東風浪遣狂花

爛縵紅

清平樂

贈晚華

鳳城絃管記得尋常見幾度滄桑人世換回首笙歌天
半 年時漢上停驂樓頭玉笛吹寒此日重攜尊俎家
家梅雨江南

琴心劍氣婀娜含淒麗領取英雄兒女意最是銷魂此
際 雙情愛好天然薄嗔微笑輕憐夢裏貪歡一晌鏡

蛾濃試春妍

神光離合密意微波託婉轉低迴珠錯落未怕旁人偷
指暗香沁入騷魂前身原是花身壓倒南都粉黛蛾
眉不許工顰

珠燈盡放錦罽紅氍毹上擎出華鬢天女相十萬眼波供
養玲瓏細膩溫柔更兼儒雅風流併作美人名士不
知第幾生修

壽樓春

為曉華賦洛神

披仙衣芙蓉乍回車舞雪搖珮迎風鬢見凌波芝瀨獵
香蘭叢腰約素唇朱紅耀艷靈鷲虹游龍悵寶枕留歡
明璫惜別幽夢太匆匆天人態描難工有羅浮舊侶
姑射仙蹤貌出神光離合雅歌雍容修短度穠纖衷其
窈妃人間猶逢更江上歸來餘音未終青數峯

清平樂

秋來幾日秋燕真如客夢後歡蹤何處覓一角高樓西
北欄干記得同凭相攜長在黃昏多少香醕影答於
今都是離痕

歸期太促佳會何時續為奏牙琴江上曲知是長歌當
哭 金風玉露淒其勸君愛惜容輝萬一有緣重見莫
教不似年時

眉間心上恰似潮來往舞態歌容勞想像第一眼波難
忘 幾番欲去還休者回無計遲留只有碧闌仍在不
堪回首朱櫻

良媒誰託命比秋雲薄珍重一聲雙淚落此意妨人道
著 相知合有深憐忍教斷送華年但祝卿卿如願同
心拋艷成蓮

清平樂

綺筵高會薄酒翻成醉未肯豫言今日事料得柔腸先
碎 悲秋暗感雙蛾玉人心上秋多只道當時小別誰
知已是離歌

薰香小像長向屏山傍愁病自憐無好狀從此人間天
上 知音見說周郎承恩不在蘭房付與秋江雙淚替

儂流向瀟湘

浣溪沙

重過西新有憶

葉葉梧相露未乾
水晶簾外有輕寒
舊時臺榭舊闌干
歸去定知空冀北
夢回應更憶江南
青鸞消息幾時還

歌籍猶題碧玉名
幾回曾誤聽歌人
墜歡如影不分明
已自怕看行坐處
那堪重聽管絃聲
不如歸去夢傾

城

臨江仙

和小山

寂寂金鋪深掩
沉沉銀蒜低垂
小園花徑獨來時
驕人

雙蝶舞背景一螢飛
遙想天涯芳侶嫩寒初上羅衣
關山寸寸是相思鳳城今夜月應照玉人歸

女冠子

庚申七夕

涼宵七夕記得閨秋今日是佳期玉砌迎花輦銀燈照
拓枝秋來仍此夕人去已多時天際黃姑怨莫教知
浣溪沙

用天放贈別詩韻

感損春山淡淡蛾臨分腸斷一聲歌雨雲如幕掩秋羅

纔有情時驚別驟更無言處省愁多不成惆悵欲如

何

欲寫相思一字難寄書惟有勸加餐最難將息是新寒

妝鏡怕教雲鬢改舞衣愁損粉痕乾莫留憔悴與郎

看

無復驕驄踏落暉舊游零落酒人稀度花叢叢掩朱扉

海上浮家同是客天涯憐汝獨成歸願為明月照羅

幃

一自佳人歸國遠天隄花艷不能嬌倡條冶葉漫相邀

朝

燭影搖紅

漠漠平沙秋寂寂
粼粼南浦夢迢迢
好天良夜憶春
宿雨初霽
倚天隨天
放兩文人
重蒞西興
鼓場振觸
前游感而有作

無主斜陽為誰紅
到憑闌處長廊迴
合曲廊斜都是愁
來路指點鶯簾燕戶
換年時聽歌伴侶
彩雲歸後明月
來時斷腸知否
喚起秋慵無心重聽
花奴鼓天風吹
恨下樓臺滿院梨花
雨料得嬋娟更苦
倚高梧哀絃自

撫飛鴻過也說與相思萬千言語

菩薩蠻

集長吉句

錦堆花密藏春睡玉釵落處無聲膩無物結同心洞房

思不禁秋羅難著色香出鴛鴦熱羞問陌頭人誰知

泥憶雲

花蹊密影成花洞鸞裾鳳帶行烟重暫得見何郎江頭

檀樹香夜天如玉砌涼曠吹浮媚露折一枝蘭稍知

花筆寒

冷紅泣露啼嬌色桂華幾度圓還缺人在石蓮中似悲
團扇風 犀株防膽怯畫鼓餘清節拂鏡掃濃眉鏡中
雙淚姿

無情有恨何人見梨花落盡成秋苑絲絮撲來亦須生
綠落 沉香薰小像細管吟朝幌瑤席慘香蔥洛陽生
別風

臨江仙

瘦公書來為程郎艷秋索詞賦此應之

渡玉釵搖瀉鵲銷金帶感鶯鶯銀箏檀板合歡場瓊瓏

仙子骨佳俠女兒腸
憔悴江南倦客輸他顧曲周郎
璫枝壓月久端相珠燈春入夢花雨夜聞香
未必有情成眷屬不妨游戲鴛鴦風鬟霧鬢且登場一
聲雙淚落千轉九迴腸
聞道宣南歌吹海相逢爭說
程郎秋容淡雅費形相泛卮黃菊艷綴席紫萸香

踏莎行

烘日簾櫳鎖苔庭院東風青入垂楊眼
懨懨睡起不開門
畫長猶怯餘寒醞
鏡掩孤顰爐消殘篆
思量總是閒
思怨斷腸春夢覺來時
定巢新有歸飛燕

唐多令

烟柳鎖重門流鶯不可聞捲簾看芳草如茵記得眉尖
前度恨依約認遠山痕花外雨冥冥香銷酒半溫怯
餘寒猶倚籠薰儘日間愁消不得何況是又黃昏

浣溪沙

七夕閨情

拜罷雙星掩繡櫳桂堂昨夜有西風屏山盡處是巫峯
玉葦新涼宜好夢銀河斜轉動疏鐘人天歡會此時

同

菩薩蠻

玳牀檀枕慵朝起
水晶簾午新梳洗
紅暈上花枝
鏡中雙笑姿
妝成宜薄媚
香動飄羅袂
刻襪下階遲
綠錢成地衣

相思崖下挑釵竹
娟娟嫩篠含烟綠
鴛鴦亂花飛
碧池間繡漪
畫簷蛛網綴
柳雪飄香砌
處處惹春愁
玉人心上頭

萬荷千竹深深處
龍涎沉水銷殘暑
枕筆午風前
綠陰清畫圓
倦來回皓腕
拋却輕羅扇
蕩起一聲鶯
斷霞

雙臉明

一奩明鏡圍香玉紅衣隊隊鴛鴦浴臨檻采瑤房鬢絲
紫指長水銷鮫淚織朱李沉寒碧無汗玉肌涼風前
宜晚妝

碧芳釀熟菱枝老丹楓瑟瑟霜天曉愁葉向誰題更無
溝水西拗蓮絲不絕心字沉檀蒸紅霧隔窗紗斷腸
前度花

黛螺新約宮黃淺鈿筐金粟并刀剪翠袖暮寒天羅衣
添未添空房愁不返坐看斜河轉知道有西風雁聲

殘月中

銷金帳鎖衾無縫自偎暖玉溫殘夢夢醒尚覺騰玉壺
紅淚冰 雪泉烹活火妝罷薰香坐聞到綺窗梅遠人
猶未歸

數爐瑞炭明金屋篆烟斜裏屏山曲新月淡黃昏無聊
長閉門 落梅香不埽點額宮眉小春色上梨渦玉顏
微醉醺

八聲甘州

獨游半淞園

喚詩魂病起向郊園
凭闌洗吟眸正林亭初霽
濕泥留燕新漲浮鷗碎蕊
苔花錯委繡地寫春愁
啼鴉年年恨都在高樓
樓外夕陽斜處有臨風
擻笛度水飄謳記紅紅
雙曲天際想歌喉儘平生
狂情未換怕絮飛換了
鬢邊秋空凝佇亂鴉歸
樹綠暗汀洲

壽樓春

賦庭前落花和瘦碧

招飄搖花魂有羣烟弄曉
怨雨啼昏愁把空枝緘
淚斷腸留春芳草路凭闌
人冷翠裙萋萋玉孫悵
膩水流脂

香泥補墨歡事總成塵
金鋪掩珠簾曛對韶光迅羽
易泣金尊漸看交柯如惺綠陰當門風葉戰鴉如軍漫
浪萍蹤跡無根待認取明年香癡舊痕簪錦巾

琵琶仙

龍華寺看桃花明日風雨花事盡矣用白石韻紀之
無主東風問何事努力栽花栽葉烟外一抹斜陽盈盈
黯黯愁絲紛照燕支萬斛等閒付妒芳啼鴉弼鼓禪房風
鈴壞塔幽怨能說 其纖手攀折多情待歸去依依
芳節佳約覺來如夢又榆錢飛莢和淚送繁枝過雨料

落英軟舞紅雪想見崔護當年斷腸輕別

燭影搖紅

壬戌七夕前三日晚華姬人得子賦此為賀

金屋盈盈蜜沈香嫋和春醖仙郎嬌重濕行雲玉種藍
田暖剛報瑤釵夢燕又蔥蘢充閨載誕珍禽眠鶴瑞草
藏芝宜男先占 教試啼聲定知雛鳳清堪羨金錢供
浴挽銀河錦乞天孫翦長命新添彩綫恰鍼樓珠絲巧
綰瑤枝蛻秀茗玉他年羊車驚看

水龍吟

壽敬原先生七十

白門斜照西風幾回驚見滄波換天留一老文章山斗
光芒霄漢滿地江湖百年身世酒杯陶遣看行吟坐嘯
乾坤萬態都收入新詩卷華髮未顏未變羨壺中春
寬無限德星聚處輝騰龍角璇奎交煥露菊黃深霜楓
丹近歲寒心眼鎮鳩扶玉杖鷗隨畫舸弄清谿晚

卜算子

為瘦公賦贈程郎艷秋

貼地舞腰輕入破歌喉溜贏得宣南顧曲人日日雕鞍

驟 應是斷腸花獨向西風秀
翰與寒梅一段香占斷
春時候

齊天樂

贈程郎北歸

嵯峨不動行雲碧
盤空萬絲晴
裏乍斷還連
將酣轉咽
飛入鷓鴣絃
低繞新聲換了
恰恁蟀吟宵嫩
鶯啼曉為問
周郎古今妍唱
幾人到
開天遺事
暗憶記臨風
玉樹
家世能道彩筆題箋
蘭襟散座
依舊承平
風調孤芳白
葆任塵海茫茫
賞音多少
待取重來聽歌人未老

清平樂

錦屏雙笑往事如烟香閣理溫馨情悄悄把珠簾下了
東風不管韶顏依前紅淚闌干昨夜小樓聽雨賣
花聲裏春寒

菩薩蠻

翠盤堆縷紅虬胸等羞滑膩凝酥乳花露吸蘭房玉魚
雞舌香 愁濃嫌酒薄嬌重憐腰削不敢勸加餐畫櫳
鸚鵡閒

綺窗阿閣連雲起流蘇寶帳籠鴛被膩水洗胭脂冷香

苔苑滋 一牀絃索掩別鎖樓中燕不敢笑牽牛風波
夕夕愁

珍珠不慰長門恨寂寥眉壽銷妝鏡低首石榴裙空將
泥憶雲 笑啼無是處長日愀慄度不敢怨檀郎知郎
先斷腸

粉香和淚芙蓉面羅衣清透無人見缺月挂烟蘿微霜
新雁過 為誰傳怨柳花外飄橫笛不敢捲簾聽陽關
無此聲

洞仙歌

用康退軒體賀玉霜新婚

良期豔景瑞麥生朝並

為三月十一日

蘭麝如潮浸鴛錦看

瓊枝相倚正佳偶天成雙笑處何粉樊唇交映

洞房

春旂旒一晌溫存慣識嬌癡女兒性種蘭田芳訊早了
祝東風新歲換添箇宜男山枕儘十樣宮眉倩郎描更
不待妝成淺深低問

甘州子

前題

錦屏圍玉帳銷金花並蒂酒同斟翠鴛雙約結同心琴

思兩惛惛鴛枕畔私語口脂侵

朝朝絃管理新妝
摹艷史幻柔鄉
今宵努力做檀郎
春在合歡牀
鴛被底珍重莫顛狂

醉霜敬玉兩情濃
膚雪膩鬢雲鬆
星眸微漾臉波融
嬌喘下巫峯
鴛怕上幾點試春紅

捲簾梳洗玉瑳瑳
回艷笑轉秋波
鸞篋親為挽雲窩
鉛粉慣摩挲
鴛鏡下還與畫雙蛾

本師今後屬閨人
添頰媠賭腰輕
未妨御乳試嬌聲
宜善更宜嗔
鴛闥內調笑按銀箏

敲棋子暖玉楸枰商畫稿
煎爐薰簪花還學魏夫人
樂事一時新鴛案側相對
倒金尊

西江月

春垂盡矣沉陰曠寒
鞀鼓聲中年涯如水誰為知我
徒喚奈何歌枕微吟被歌
溼異

雲起猶含雪意風來都帶秋聲
廉纖淚雨可憐春天也
多愁多病只有頭隨絮白
更無眼向人青
驪龍吹海
怒潮生終古冤禽沉恨
惜紅衣

和白石要璣父帥南同作

病枕驚春愁杯餞日困消吟力細柳窺簷絲絲弄柔碧
朝來雨驟應負了鉤車遊客蕭寂休去倚闌怕繫香吹
息 羈棲海陌同是天涯青衫淚痕藉滄波照影水國
雁行北指點落花飛絮都是斷腸來歷但夢魂長記七
十二峰山色

惜紅衣

再用白石韵同璣父帥南作

細雨愜晴輕陰礙日曠寒猶力亂草侵階苔痕映簾碧

新來病酒愁裏送光陰如客閒寂花外晚風入空香千
息 交衢綺陌燈火家家金鷄正塵藉登樓漫賦異國
限南北回首故宮未秦付與燕游鶯歷更甚時攜手同
泛洞庭春色

六么令

有摘庭前櫻花為瓶供者用小山韵賦之

玉移瓊島偷種傍香閨窺奩霧鬟烟臉也把晚妝學一
寸芳心乍展早被鶯兒覺錦園低匝新紅一捻祇許佳
人手親搗 行盡花陰暗憶此際愁誰答記取階下苔

痕淺印弓鞋，柳猶喜繁枝在眼。總算留春，霎且燒紅蠟。
倩魂歸後，夢繞雙鴛繡屏角。

六么令

安郎用小山韵賦閨思戲為代答

薄寒輕暖時候，難將息。關山萬重雲樹，草沒馬蹄碧。歸
夢何時得到，到也無端的。酒燈歌席，錦溫香醉，總是天
涯斷腸客。前度鸞箋遠寄，密意教親拆。為說窗下花
枝，玉蕊猶堪摘。更有傳來秀句，怨入桓伊笛。夜深人寂
新詞和了，怕惹多情，更相憶。

楊柳枝

十丈笙歌輦路塵
御溝流水照愁顰
可憐學盡宮腰舞
不是靈和殿裏春

半縈班駟半畫橈
啼烟啼雨自蕭蕭
關山處處成愁絕
豈獨銷魂是灞橋

碧亞闌干翠繞樓
麴瀾初定晚風柔
黃鸝去後無消息
剝與哀蟬咽早秋

染得鶯兒萬縷黃
赤闌橋畔是橫塘
麴麴瘦影無人見
自醮荒波畫夕陽

畫眉人祇隔窗紗
手捲珠簾一桁斜
欲折柔條渾未忍
為憐春色在儂家

人境陶廬最寂寥
五株低亞短長條
無端自署先生號
却被東風笑折腰

託根長是傍樓臺
青眼逢人便許開
莫道柔絲無氣力
漫天作絮已多才

故國年芳不可招
無人池館久飄蕭
白門殘照秦淮月
付與啼蛄吊六朝

搖落深知百不堪
更誰淒愴感江潭
多情畢竟桓宣武

猶解依依憶漢南

莫向吳宮怨綺羅
廡廊無復舊人過
平明一陣騎秋雨
惟有髡枝得淚多

畫堞旗亭隱暮笳
行人如水送年涯
望秋已有先零意
猶為街頭掃落花

當年張繡最風流
霜雪何緣見白頭
艷景一生消受得
十分春色二分秋

並蒂芙蓉

本意為玉霜簪主人題畫即賀其新婚

藻國空明鬪勝春艷冶芳跗鶻倚紅浪濕痕翻正香暖
秋被梨雲夢酣繡幄料有鴛鴦妒雙睡錦城十里問誰
能共縮同心如此 凌波鏡中照影似華清洗罷凝脂
猶膩密約證釵鈿記前度私誓風流萬千纏繞秀靨盈
盈連鬟地畫圖笑指看柔鄉玉溫霜醉

浣溪沙

立春後閨人競以蘭花插鬢

露眼啼烟九畹滋筠簋新剪一枝枝賣花聲裏雨如絲
香味濃於歡氣息丰姿瘦比妾腰肢春來爭要鬢雲

知

浣溪沙

立春日閨中婦女有閉門不出者謂之躲春

下了珠簾閉綺櫺怕撞嬌眼覩東風不成愁困不成慵

蔥玉新裁黏戶燕花鈿時引叩窗蜂早饒春色上眉

峰

減字木蘭花

詠湯圓

揉酥搓雪纖手攜來天上月玉梳頻供顆顆圓勻訝許

同 溫柔氣息心裏人兒甜似蜜願祝情郎箇箇團圓
箇箇雙

千秋歲

壽程玉霜母六十

畫堂香細紅燭搖金穗春似海天如水一星明寶婺萬
靄凝朝瑞未闌外東風開遍長春蕊 蝶舞霓裳媚鶯
逗鶯笙脆燈影畔簾波內歡騰菜絲戲酒勸醜顏醉君
記取年年為譜千秋歲

浣溪沙

穠蕊繁枝著意新
伶俜羅襪刻香塵
小園花事未全貧
心上惺忪昨夜雨
眼中銷減十分春
高樓愁煞倚闌人

簾外飄燈雨未收
花魂扶夢上層樓
嫩寒如水釀春愁

有酒未能澆塊壘
無鄉何計著溫柔
一生理恨是心頭

浣溪沙

詠紙煤

寸寸蕉心宛轉通
篆烟低裏一絲風
相攜無奈是匆匆

檀頭細吹蘭氣息
蔥纖微搯玉玲瓏
未灰心事可憐

紅

浣溪沙

詠茗椀

曲几長筵處處宜
旗槍閒鬥碧琉璃
一生冷暖慣禁持
擊處粉輕留指印
潑餘香重澆唇脂
文園病渴最相

思

浣溪沙

詠拖鞋

浴罷蘭湯侍女，擘夢回剡襪下階行。膚圓緻緻最銷魂。
花徑不兜紅著膩，繡幃輕卸玉無聲。弓鞋窄窄可憐生。

木蘭花

壽梅畹華母六十

堂中阿母瑤池醮，長壽杯深香漱澗。盞收綵筆付金題。
更譜薰絃調玉琯。洞天自暖人長健，徹曉笙歌聽不
倦。膝前雛鳳早蜚聲。細數華年剛一半。
條風淑景明庭院。綵袖瓊漿頻舉勸。佳兒佳婦已無雙。

更挈朝雲來侍宴
韶光一任年涯轉
自把玉顏銀漢
煉神仙原自在人間
笑看蓬瀛三度淺
業二詞應次西
江後惜紅衣前

冷芸詞卷上

冷芸詞卷下

湘潭袁思亮伯夔

浣溪沙

題史喻金印譜

落眼蟲魚發古香
排窠紅濕動吟牀
秦書晉籍與平章
花乳白飛鐫鳳字
藍田青老入蟾肪
故應名迹儂揚

王

清平樂

酒悲花病淚粉衫痕印
獨擁鴛衾和夢等
不管天涯遠

近 綠楊禁受風柔東西溝水分流誰信紅樓一角等
閒貯得春愁

踏莎行

意密難酬恩深易怨含情欲訴腸先斷屏山重疊枕頭
欹啼紅偷洗胭脂面 繡幄防鶯珠簾妒燕春心不共
春雲展自傷歌舞受人憐教人錯比楊花賤

燭影搖紅

題无愛居士填詞圖

蠹紙魂痕楚蘭一掬傷心淚故家喬木莽風烟忍唾行

吟地付與迴腸盪氣儘消磨偷聲減字鶯天雁夜蝶外
蛩邊清愁自理影倩花扶翩翩玉貌佳公子山陽笛
語曠淒清夢冷湘波逝我亦能歌變徵有斜陽危欄怕
倚荒原白草塵海紅桑人間何世

驀山谿

夏日雨後

房櫺深窈竹樹搖空翠日影上罌罍動涼颼重簾翠地
調冰雪藕閒誦少陵詩吟未已雲乍起驟雨鳴簷際底
紗廚枕簟漸覺涼如水高臥傲羲皇似自在虛堂味美

醒來倦眼翻怯夕陽明霞散綺魚燒尾愁入蟬聲裏
摸魚兒

題隋董美人墓志銘原拓本

酌清杯玉鉤斜畔隋宮千載眉嫵舞銷歌歇香塵委姓
氏都無尋處龍首路算片石韓陵差可情天補光芒萬
古似劍氣騰霄珠胎照夜不共土花窳持山去劫火
倉皇一炬流傳遺跡如許墨痕濃沈沉嬌淚翠黛悲涼
今故詞漫譜總未抵哀絃千面聲淒楚新愁更苦痛玉
匣人間銖衣夢裏何地賦離黍

摸魚兒

孤山補梅圖為許玉年先生所作並自題摸魚兒一
闋一時和者甚衆野侯同年得之肆中出視徵題即
用其韻

閨梅花幾生修到芳魂長傍和靖寒漪一角西泠路斜
浸橫枝淒冷重記省料環珮歸來月下前身認鷗邊小
艇儘載得游人弄香清泚立盡萬花影 滄波夢翠羽
啁啾未定東風還被催醒移根補屋人何在賸有畫圖
堪證闌英凭怕玉笛吹愁驚起仙禽聽珠塵繆嶺想竹

屋詞工房山墨妙今古耿相應

玲瓏四犯

暑夜聽雨懷三弟夏口兼寄湘中亂後親友用清真

韻

誰倒天瓢響碎竹圓荷淒弄聲艷唾碧蘭叢微泫晚妝

246

帶臉孤旅似我無眠料檢點故情擦亂嘆畫梁宿燕都
換殘燭對牀曾見小樓深夜偎羅薦賣花聲蕩愁輕
簾瀟瀟卧聽虛堂寂涼沁惺忪眼爭似此夕斷腸驟怒
打狂瀾千點怕素鱗不到湘水曲潮回散

還京樂

和清真同仁先映庵公渚作

亂愁送別後朱絃寶瑟無心理問廿年霜鬢為誰不管
韶華輕費指海天雲樹山重水複蒼烟委儘望久空灑
幾許傷高清洗 繞珍叢底有雙雙飛燕喃似說說承
平歌舞況味那知感節哀時負東風放盡桃李縱依前
爭笑靨嬌春凝妝鬥水奈入離人目相看都是憔悴

齊天樂

早蟬

槐陰前度曾聽處泠泠又絃清曉舊地重來經年恨別
聊說傷高懷抱風枝顛裏正新綠纔圓亂紅初掃到耳
偏驚甚時鶯燕等閒老 煩君相警最苦舉家清似我
幽怨能道擣練千砧鏗牀萬葉和盡秋聲更好孤彈古
調笑熱不因人飲非求飽滿地斜陽喚回塵夢杳
齊天樂

庚午初冬吹庵公渚復舉詞社有懷散原文廬山蒼
虬津門即寄蒼虬索和

登樓目送行雲遠斜陽斷烟離緒帝所麻鞋仙都卉服

南北淒涼為旅高寒院宇又潮落了
沾雁回湓浦兩地魂銷短髮搔鬢共誰語
浮漚江上聚散眼中人幾換
前度吟侶瘦菊支霜耐楓緇日抱色
棲香心苦哀絃自撫倩淚滴荒波
載愁流去喚起靈均楚騷賡怨句

芳草渡

余故宅在斜橋居十餘年園中植桃梅櫻花海棠數
集朋好流連詠歌有終老意去歲以償逋貨去頃復
過之則市廛櫛比花木都盡矣黯然倚聲

夕照裏見巷陌人家頓驚非故念綠陰庭院當階自種

芳樹吟賞連俊侶消年涯遞暮正任久抱影車情一旦
拋去 延佇那回燕子怪底巢痕尋屢誤暗凝想乾坤
俯仰浮生但羈旅寤歌自媚莫到處行窩能暑悵望極
棟盡寒枝倦羽

芳草渡

庚午孟冬送倦知文旅厝殞宮時宿雨初霽寒日無
色湘耗仍惡歸骨難期遙懷平生屬感淒異同公渚

作

濕霧斂黯似雪衣冠素車徐引聽咽空茄吹交期頓盡

做頃風旒飄淚冷和愁雲催暝練帳情故館沉沉獨閉
苔井重省短筇破帽酒面霜髯淒斷影舊京夢闌干
倚處彌天散孤憤又鷺雁過叫暮景空中傳恨似替說
萬里鄉關路迥

石湖仙

庚午仲冬偕病樹過彊邨文小樓一角亂書堆几鄰
園寒翠掩映戶牖市罵不到儵然有空谷之恩病樹
紀之以詞余亦繼聲

吟壺天小引飛翠園亭窺弄清曉仙夢隔蓬瀛莽天涯

萋萋芳草柯棋殘世任轉徙客游人老幽情閑軟紅自
理孤抱 新詞井邊唱遍占風流江山故藻壞色朝衣
換著羊裘茸帽幕茗園香榻燈溫笑萬緣能傲苔徑掃
停車載酒重到

石湖仙

題映庵所藏大鶴山人詞札

詞仙何處剩裁綺吳箋親寫愁句聞道石芝崦有丹歌
翩翩引舞幽靈尋夢想定共白雲來去塵土問故人倚
恨知否 江山暗消展冶換年年征鼙戰鼓故國王孫

化鶴重歸誰語
匣抱哀絃
笛留殘譜
淚痕凝
措吟思苦
招魂待酌芳醕

東坡引

庚午立辛未春後三日
飲子有宅客有為意錢戲者
亥夜始罷酒歸途雪大作
樓閣衢街皆瓊瑤用青兕
五十九字體寫之

梅塵紅
菽菽香
冷飄首
禱金船
泛葡萄
綠酒
畫屏鏗鏜
簇畫屏
鏗鏜簇
良宵博
簦瓊
投漏促
醉歸車
輪碾飛
玉狂花
綺夜春
圍屋禁
寒看未
足禁寒
看未足

瑞鶴仙

賀陳修季新婚

杏塵鋪綺陌正寶合流蘇迎來油壁碧依依玳梁側看花
扶嬌重繡圍香密藍橋未隔便玉杵瓊漿自覺更朝來
紅燭停燒新試畫眉詞筆歡極鏡屏低笑錦幄濃溫
醉春無力芳心暗惜茗華字手親刻待明年添箇宜男
山枕翠褥芝藏秀色又爐薰偷結雙烟替吹麝息

生查子

為朱象甫題海天夢月圖

空房怯枕冰夜夜寒蟾泣小字憶嬋娟倩影心頭歷
巫峽已歸雲還向瑤臺覓環珮下空明不畏蛟龍得

三姝媚

公園看花同同游諸公作

沙明溪畔路颺晴瀾浮空翠烟蘆霧過却花朝殢峭寒
猶在燕簾鶯戶舊約東風還認取夫桃一畝樹照影清
波舒錦年華眼中遽暮芳草天涯何處儘載得閒愁
伴春同住故國啼鶻料淚痕應滿蕙汀蘭渚夢熟江南
千浪送流紅誰主只有垂楊不管纖腰自舞

瑞鶴仙

上巳後二日新霽葉氏園看花作

向郊園縱目春事晚撲面嬌塵
藪藪條風動波綠送流
紅千點游鯿爭逐松杉似束
束正雨餘濃翠乍沐有天香
半吐扶起睡妝綺夢初熟
莫道清游已慣細數年華
幾番歌哭狂花滿谷攜筇上
小山麓嘆江關萬里登臨
何處芳菲心緒暗觸又催歸
暮色愁惹怨茄斷續

浣溪沙

釋戡自舊京徵詞悼歌者琴雪芳用戡字體

海上牙琴幾輩知馬卿多病負深期熏香小像憶芳姿
燈下驚看回雪舞尊前低按駐雲詞那回已是別離

時

桂枝香

寄懷蒼虬與荆庵病樹同作

春光過卻念久客故人音信遼邈愁展登臨望眼翠陰
如幄聲聲啼鴉催歸去怎無端又成耽閣閒省前游似
夢少年哀樂任佩結芳洲杜若奈浪蕊天斜狂絮輕
薄多少東皇舊事怨懷誰託新來莫問加餐飯料行吟

憔悴如昨甚時重話江樓夜雨半簷花落

漢宮春

春盡日風雨漚尹丈人夢坡居士作社餞春拈得此
解吹庵季純詞成屬感淒麗余亦繼作

詞客工愁喚吟朋同醉時霎春痕癡霧弄朝做暝簷語
燈昏探芳紫陌記鈿車麝濺行裙迷望處平蕪恨滿故
歡攜夢重溫 辛苦柳花無力向東風彈淚也解傷春
南雲瘴烟未洗怨鎖沉顰流年暗換早綠陰青子當門
擊雨重醪釀一架舞紅猶戀深恩

渡江雲

為金梅廬題霜曉庵裁曲圖

苔鋪門畫掩舊京病客短鬢倚西風撼窗梧竹語做盡
秋聲喚起理絲桐迴腸貯恨儘安排換羽移宮千萬回
紅牙低按嚼蕊吐芳茸 惺忪黃金鑄淚翠纒纏愁寫
柔情如夢翻只覺歌憐眉窄舞怯雲鬆曲成未許人偷
招付玉郎親費春工聽試罷餘音暗落霄鴻

風入松

青島海濱浴場書所見

鮫綃半臂翦芙蓉
膩水濺花首名娃也
學天吳舞蕩晴
瀾腥染魚龍不用蘭
舟雙槳桃根桃葉迎
逢柳邊沙
際駐游踪板屋換輕
容斜陽慣送人歸去
照衣香鬢影
匆匆山黛一奩妝
鏡溯音四壁笙鏞

安公子

辛未七月殘暑猶熾
一夕風雨颯然深秋
帆解絕航
江流溢岸因念大江
南北濟水為塵賑恤
未及遍
塞未及施而吾湘兵
警又見告矣黯然倚
聲用屯田

體

病枕驚飛雨雨在容易收殘暑一夜顛風吹不斷鎖溪
橋津渡更捲起奔潮汎濫迷南浦聽畫廊樹樹秋聲語
似要人知道澤畔鳴鴻淒苦 江漢滔滔去接天魚鼈
連吳楚注海傾河都是淚香高原何處問劫後宣房白
馬誰為主空眼枯望裡鄉關路漫手挽銀潢洗卻甲兵
無據

安公子

燭淚同詞庵滄江寶權作

玉指親彈罷絳花重結春無價看取檀奴衣帶上早啼

痕盈把肯消共金視篆字香俱地還背伊點滴殘更罅
悶未灰心事長為誰行紫卷 愁汚香羅帕替人垂到
天明也唾盡紅冰儻比似似鍼神初嫁算萬古良宵一
例堪悲吃膏自煎枉遣同心桂對蕙幃飄燼贏得斷腸

難寫

破花惱

社中諸子期九日赴近地作登高會傷離念亂遠無復
游觀意倚此解謝之

驚颿萬里送愁來霜葉墜林如掃成角斜陽滿衰草登

臨目斷傷高費淚未覺秋容好
虛蠟展負筇枝閉門窺
影銀蟾小
哀樂向誰論
憑仗紫蟹訴孤抱
遙天雁過
和盡村砧夢遠書難到
待相攜素酒對黃花
怕花也無
情笑人老
獨自裏強摘
茱萸簪破帽

浣溪沙

題林畏廬西溪圖

王氣銷沈霸業湮
一谿風月屬詞人
故應西子有長蘄
梅鶴不傳家國恨
蘆鷺空寫水雲痕
畫中幽怨向誰

論

澱墨窮年苦作癡
護持遺跡到荒祠
多情微許夜臺知
一鏡明漪搖古唾
萬花晴雪亂秋悲
月中鸞鶴下來時

洞仙歌

得蒼虬津門書感賦卻寄

狂花輕薄歷亂春
如霧偷嫁東風
定誰誤看黃蜂
酣蜜紫燕
連看都不管
夜夜啼鵲自苦
蛾眉終見
嫉舊約
分明好夢驚回
總無據
窈窕送行雲
燕子無家
更商略
何人院宇算
只有依依舊巢痕
拚斷送年涯
耐寒同住

臨江仙

為梅泉題美人畫像

記得紅樓那夕別情恰比春濃
天涯飛絮各西東
癡魂
扶倩影和恨住眉峰
舊曲桃根挑葉似人畫裏驚逢
羅衣心字一重重
幽蘭親采擷無語怨東風
拌道此生休也無端勾起思量
籠燈就月細形相是誰
傳彩筆不管斷人腸
十里珠簾依舊而今頭白周郎
當伊金屋貯何妨
真真如可喚長炷一爐香

滿庭芳

香山雙清別墅晚眺與君任聯句

萬木圍香雙泉瀉玉夕陽燕子來時變作苔痕經雨分綠

上征衣

任君

殘客危亭共倚飄清籟微動涼颼變關干外

夢長天迥幽恨入支頤

任

翠華曾幸處薰絃罷後都

付蟬嘶

變

騰攀花怨柳亂石荒池任一角小山眉嫵被

晚霞偷傅胭脂

變

無端又風枝篩影紅蘸碧玻璃

任

高陽臺

雙清別墅與君任聯句贈主人

松殿晴雷波搖嵐翠畫長小閣沈沈變怕不捲珠簾綠窗

啼滿山禽任君雙泉自入鈞天夢閱興亡流到而今愛算

年年送盡春花敲盡秋砧任故人負卻為霖手甚黃

梁早覺白髮仍侵髮一壑能專荷衣換了朝簪任平泉

不是閒池館看種成桃李新陰任更多情箬笠籃輿伴

我登臨任

減字木蘭花

詠心舍齋中倒挂鳥

紅襟罄折消受濃薰香到骨翡翠蘭茗一樣珍叢惜羽
毛庭柯易改同命雕籠終不悔辛苦雙換卻被人呼

倒好嬉

減字木蘭花

心畵得出土宋代殘墨寸許上有朱煤二字屬以詞
詠之

古香一寸遺製依稀天水認何地埋憂腸斷燕雲十六
州 睿思前殿不共殘燈春夜半兩字朱煤異代王孫
感刻灰

減字木蘭花

再詠倒挂鳥要心畵作畫

綠毛公鳳長傍桐花尋好夢暖玉釵頭竟體芳蘭細細
收奮飛何日仰首鳴號無氣力貌出煩冤要使人間
識倒懸

踏莎行

題詞庵填詞圖

斫地滄愁蔓天寫恨興亡萬感堆霜鬢青鞋布襪看山
回滿收烟水裁雲錦 箏雁絃秋檝蛩織暝駭蘭心事
能歌郢商聲從古是悲涼小樓昨夜西風緊

清平樂

題江仲虎楊柳岸曉風殘月填詞圖

鬢絲眉嫵認取銷魂樹
悵悵朝雲無覓處
恨倚瓊簫自譜
年年暗綠藏鴉
東皇不管韶華
夢裏孤舟一繫酒
醒依舊天涯

三姝媚

南歸後和徐芷升

颺輪馱恨慣向關山
年年碾愁無限
小客何心賺酒襟
詩袂夢痕難浣
紫陌飄燈迷望眼
露臺雲蔓耐冷聽歌
坐接瓊甃頓驚嬌燕
誰省詞仙腸斷
只願曲移情鬢

絲憐短綺席傳觴記
未了陽關聲變更隨
水調歌頭

題心舍畫叔明夢

古渡隱殘堞野徑認
舉目河山自異雲海
覺珠唾落匡牀 漆
思秀句入池塘打疊
無鄉奇氣二難並千

浣溪沙

少梅為余作醉月顰霞圖賦此紀之

咫尺銀河夢未通
南雲回首恨匆匆
墜歡些子惱情衷
斜月二分無賴白
斷霞一抹可憐紅
相逢長是畫圖

中

浣溪沙

徐端甫蓄桃花小硯文端容故物也曾藏
年大將軍所出硯微題

誰把鸞刀割紫雲
凝脂膚滑掌中身
武陵一片古時春

繡畔雲屏花有態
帳前露布草無聲
蛾眉燕領總銷魂

流落人間石一拳
浪淘沙啣不知年
良工心苦費雕鐫
九錫合膺池上詔
三生同結墨中緣
琉璃匣記玉臺

篇

蝶戀花

向晚凝妝知有待
油碧迎來不飲空
相對故索霜毫書
紙尾泥人教識相思字
嬌小憐伊明又惹
欲把歐書題上金陵腿
一笑顏在還自悔
前頭鸚鵡忘迴避

人月圓

朝朝對影聞聲地
密意被人猜
鶯鶯燕燕詩人老去公
子歸來
誰知一晌歌塵未斷
妝面旋乖
傷春傷別飄
花庭院飛絮池臺

望江南

題病樹佳佳樓詞意圖

剛一笑美盼送橫波
秀鬢清圓珠乍轉
柔肌紅潤玉微
醜無賴是梨渦
相對處
俊語勝聞歌
嬌吃慣
教能
伏媚香時惹蝶蜂
過誰與得春多

醉桃源

東風低裊綠楊枝垂紅
眠綺漪玉人親按渭城詞
和愁和恨吹人去也
曲終時江空無雁飛
畫中只詩見腰肢
啼妝休教知

生查子

黃鸝

翻階燕子春錯認
秋花無宮額
學新妝芳思
紫金縷風枝低亞
時不辨蜂來去
真色上羅衣
夢想嬌鶯語

南柯子

白孔雀

羽謝鸞翹翠冠羞鶴頂紅
蹁躑編秋舞東風最是銀屏
如鏡月明中 信有文章美
全勝藻績工天階獻瑞香
難同冰雪伶俜故國老樊籠

虞美人

贈花想容調病樹

蘭情水盼饒風韵眼底
韋娘俊不教歌舞只教詩
要把檀奴狂態誤蛾眉
高樓明月當窗見簾外
東風滿梨渦一樣臉波橫
底事輸伊獨自擅嘉名

酒旗戲鼓春江夜一曲元無價舞休歌罷不還家都逐
流萍隨分任天涯 當時道是靈和柳不入游人手誰
知作絮復霑泥輕薄東風無力護芳菲

踏莎美人

贈歌者劉月霞

邀月分杯裁霞作綺輕顰淺醉閒滋味無端消息石榴
紅却道鶯兒私語咒東風 底事干卿窈人負我千回
萬轉思量過蛾眉謠詠到歌場真箇人間無地著疏狂

清平樂

題少梅畫

扇欲籠袖鸞帶行烟皺寂寞閒庭春去後換了綠陰清
畫 含情立盡斜暉苔痕青上羅衣愁絕殢人芳草天
涯到處低迷

南歌子

舊石餘荒蕪新篁長嫩枝前事暗尋思
齊紈纖手把立
多時

章臺柳

鴛鴦浦鴛鴦浦一舸盈盈嬌欲語
花貌何如妾貌強蓮

心未抵儂心苦

三臺令

素手珠簾半捲
髻螺斜輝香肩燕子不歸
春盡玉池荷

葉田田

生查子

盡日綺窗前
花霧連昏曉
不肯下重幃
貪受寒香繞

坐久却思量
打疊傷春稿
冰雪鏡中姿
莫共東風老

醜奴兒

為誰種得宜男草
取次花開
香徑徘徊
惆悵蕭郎去不

歸 當時道是療愁物 今日重來翻與愁媒孤負春光風
又此回

點絳脣

翠袖禁寒襪羅初試凌波步冷香侵路不怕湘娥妬
素靨清鈿春在盈盈處風流貯洛神偷賦人與花爭媿
蝶戀花

贈歌者彩孌

宛轉嬌鶯啼玉樹蕭地龍吟幽壑驚風雨嫋嫋摩空飛
欲去行雲一片剛留住 曲裏悲歡絃上語對影聞聲

可奈情如許絕代歌才天賦與人間
絲竹皆塵土

浣溪沙

極樂寺文官花

簇粉攢緋照眼新
鴟鸞青瑣此花身
東風野寺換巢痕
賜紫舊承唐殿寵
熏香猶帶漢宮春
飄零終感玉皇

恩

虞美人

丁丑七夕和鶴亭

黃姑夜叩星宮事
靈鶴紛無睡
風波直上到有情天
天上

銀河今夕是何年
朝朝洗面春江雨
往事思量若干
秋贏得斷腸詞
未信崖山飄泊勝當時

唐多令

九日和子有

風箴亂霜階
晴雷警客懷
把茱萸欲出
還回如此江山
如此恨空費
淚迸千哀
戲馬尚高臺
當時惜霸才
閱興亡潮去潮來
試問黃花應
解道從此後
不須聞

浣溪沙

戊寅元日

刻夢驚回有此身辛盤線勝又逢辰平頭六十眼中人
春
雨意漸蘇雲暗靄花香不斷火溫磨老懷微暖一分

點絳脣

題歌者蘭友小像

脫帽單衣無言悄立蒼厓畔態濃顰淺依約年時見
九畹騷心省識東風怨樽前按一聲腸斷淚濕青衫滿

點絳脣

正月十一日拔可招集墨葉作墨卿太守生日

巢墨巢寬草堂留得春如海
墨卿有留春草堂集酒濃花醵元氣
通真宰 化鶴來時已是山河改
生朝拜作癡人在禿

鬢東風外

點絳脣

春已將歸燕鶯不解東風語
盡情啼處商量花間住
可惜繁枝明日香非故
蘅蕪路亂烟殘絮
絮做就黃昏雨

高陽臺

杯今雪女士摹周文姬玉步搖圖為瓶齋文人壽文
賦詩徵題

葉間金瓊花紫翡翠凌波一笑相逢響屧廊邊如聞舞
佩了東南唐粉本開生面費玉人幾許春工最難摹雲
髻嵯峨水盼玲瓏尊前如願應能喚願月圓人壽長
貯東風賺得仙郎香簌秀句題封梳妝不是當時體媚
古歡漫妒新儂但殷勤小印親鈐教認泥鴻

點絳脣

題心畵王孫山水小幅

一角秋山醜枝剝著霜葩嫵更無人處獨共西風語
除卻丹青何地悲離黍愁如許硯移窗午滿院梨花雨

玉關干

同彥通帥姪作

芊芊恨草江南路
靉靆雨雲迷別浦
兵塵滿眼換韶光
憐春夢欲歸無據
玉龍吹怨烟中語
抵幾多離亂情
緒楚蘭一樣隔相思
憑東風寄與愁去

傳言玉女

不道春深舊地
悄寒猶怯
夢回欹枕
弄瓶花
眼纈孤館
向晚伴我無聊
一弄霎
烘窗斜照
上弦初月
待覓歡
惊乍思量
恨又結
艷歌人去
早紅銷
翠歇
情懷漸疏
那

有春雲能熟知
知音何處盪
愁天闕

浣溪沙

題平園介壽圖

海上紅桑世又移
白頭能說中興時
故家喬木繫人思
長壽酒斟千日釀
小陽春在萬年枝
園亭如畫養巖
姿

雨中花

戊寅荷花生日社集

藻鏡淒迷綠遠出
浴亭亭香裊玉腕
絲纏長命縷
結子

知多少 一舸鬧紅人乍到正六月下塘春好況恰有
碧芳新釀熟英遺閒過了

雨中花

前題用書舟體

鷺起錦鴛雙睡好正瀟灑露房迎曉嬌重欹風翠翹翠翹卷
露裏歸雲悄水殿芳辰逢一笑剛拾得冷香盈抱

翠蓋量珠碧筒呼酒醉暈紅鉛小
雨中花慢

前題意有未盡復用慢詞寫之

潑墨雲低跳珠玉碎陂塘一味涼
新正紅衣乍浴羅襪無塵皎潔羞
儕浪蕊伶俜自倚孤根嫣然微笑
污甯染我熱不因人 鴛鴦頭白
鷗鷺身閒萍蓬也解相親須
識得嬌多易泣心苦難春吹息
生香不斷憐渠幽怨誰論江湖
秋晚風波無恙廝守溫磨

雨中花慢

索湖帆畫荷鶴亭謂非錢英致也賦此調之

綠霧吹瀾頓覆絢晚風光錦藉平川
看萍茵睡鴨蓉帳棲鴛十里香雲
卷靄千幢寶相莊嚴天然畫稿何須買

絹不要論錢 空花在手陳迹留痕何如一笑忘筌拚
待到涼生水國夢老鷗天鬢笛漁歌夕照羨椰人語秋
烟相思記取娟娟遺珮佳約明年

木蘭花慢

壽丁輔之六十

向滄江卧穩又驚起歲華添笑周甲同貞逢辰作健佳

氣君先

輔之與余同歲生先於余者半歲

觀蓮酌杯問水正田田攤破

洗兒錢

輔之三日後荷

長命瑤房綴縷靈根玉井如船 鬢

仙家世六橋邊市隱幾經年箕西冷白燕吳山玄鶴有

美難專流連酒旗戲鼓把清愁分付斷歌前奇字殷墟
慣寫異書鄴架重編

鵲橋仙

劍知為瓶文作山茶花有似人之思瓶文賦詩徵題
率倚此解

嶺梅妬韻細挑羞艷占斷風流如許嫩芽活火煮春泉
並散作鬢天花雨 文園病渴朝朝水厄貪看一枝媚
媼丹青替寫歲寒姿道不是尋常見女

用王梅谿山茶花詩中語

念奴嬌

柳如是歸錢牧齋後其故交汪然明刊所藏尺牘及
詩為一冊寄牧齋視牧齋購其版燬之流傳絕少高
野侯同年得之琴江舊山樓殆孤本矣可寶也出觀
索題

汪郎無命恨當時不與薜蘿為主篋裏音書湖上草檢
點歡悰非故刻骨錫恩銷金鑄淚字字情天絮一封遙
寄斷腸知有人妒誰信葉落籤勝薪推梨棗燒却閒
言語翻勝絳雲他日火留得茗華片羽拂水巖前玉岑
山畔憑弔空黃土未灰心事替伊添畫眉嫵

野侯小像
東君小像

卷端

燭影搖紅

為湯定之題夢仙圖

一枕蘧蘧雲峯勝踐依稀是眾中寶籙寵傳呼姓字分
明記飄笛迷離舊事散烟熏餘香掩袂染匡牀覺後幾杵
疏鐘人間何世 淪謫歸遲風吹石髓神山閉偶然靈
對認前身瞥眼花飄墜腕底滄洲趣味眷清都常懸寤
寐烟雲供養留寫魂痕壺天遊戲

滿江紅

為徐堯卿題補雲谿草堂圖卷

圖詠承平想當日風流文采歸來早樂阿行樂寤歌人
外堂下花開明畫錦庭前草長縈書帶甚刻友吹夢了
無痕空悲慨 瑤源邈清芬藹名迹委斯文在把丹青
重補唱酬重載觸眼居然林壑美傷心無奈河山改展
霜箋夜半起吟魂吁真宰

臨江仙

戲詠佳人啖冰燭同瓶文作

沉李浮瓜渾見慣試將銀蠟新調乳花風味勝甘蕉不

須憐齒冷贏得是魂銷 却感一涼思到骨等閒煩惱
都消還如玉杵覓藍橋元霜親搗處紅泥口脂嬌
將酪調水團作燭一枝未許紗籠織惹擎出玉玲瓏瓊
漿欺瓠齒銀液點酥胸 猶有餘甘回舌本風流微惜
匆匆柔情如水太惺忪相思和淚咽心上釀春濃

生查子

題少梅畫冊

挑浪一痕圓躍起雙雙鯉牽惹倚闌人恨滿東風裏
織錦不成章和恨和愁寄辛苦到郎邊中有相思字

喜遷鶯

戊寅冬至和夢窗與病樹師南同作

年華催別漸短日弄寒頑雲凝雪盪坐歌聲窺簾人影
事往頓成愁絕乍動漏春葭管又見灰飛時節待寄遠
有繁香盈袖江梅堪折荆越魚雁斷縱解連環不解
相思結搔鬢添絲量腰寬帶孤館夜長吟咽老來壯懷
銷盡誰信壺中天闕間伴我丁東虬箭彎環蛾月

清平樂

為叔雍題高梧軒圖

吹臺選夢碧冶天無縫待築一龕親手種聽取玉簫妍
弄西冷佳約難成兵塵不污丹青展卷吟商未了撼
空疑有秋聲

燭影搖紅

己卯正月十三日壽楊祇庵六十

寶月將圓珠燈花蕊光相亂三元集聖是弧辰數甲今
初滿早歲凌雲賦獻醉宮袍櫻桃賜宴合雞伏省畫隼
行郊才名江漢畫錦歸來鷓鴣夷一舸聊同泛千金肘
後出神方良相功仍擅隱几犀評世換動高吟蓬山未

遠海沉香嫺簾外春寒壺天自暖

倦尋芳

初庵行花市得盆梅三枝幹奇古未輦歸顧子公雄
過而睨焉曰是吾家物殆亂後為人移根來此盆盎
雖易吾猶識之問直肆主人曰已有主即賣送矣詢
所往則初庵居也故相識乃就初庵謀壁返初庵許
之曰姑留此請以新年花後踐諾公雄繪歸梅圖初
庵譜沁園春紀其事且觴客徵題為倚此解

虎頭墨妙和靖吟酣矜弄春繁照眼三姝韻事兩家能

擅經刻魂蘇前日夢有緣人識東風面最奇姿是孤根
鶴瘦醜枝龍偃 偶付與詞仙管領燈畔香初簾外寒
淺冷淡芳心不共鬢妝偷換新歲留聽鶯語報舊巢許
贖蛾眉返但年年到花時肯教廝見

鷓鴣天

崇效寺牡丹

都講才人慢絳紗羅胸流略自名家可憐絕代南州女
猶寫前朝北勝花 傾國恨又天涯東風吹淚暗胡沙
青松紅杏牛腰卷持抵傷春意未賒

虞美人

極樂寺海棠

文官花底聯裙屐往事分明記國花堂榜故依然委地
紅芳淒斷不成妍人天彈指銷春恨小劫華髮影態
穠休道費胭脂中有啼鵲血沁一枝枝

右二闕為廣州洗玉清女士作也女士富目錄
之學為學校講師十餘年頃繪此_二花裝成一卷
顏曰故都春色自香港寄疾齋屬視徵題云

蝶戀花

瓶中紅梅密蕊怒發穠麗無比

莫道相看如夢裏紅萼無言一笑千金意怪底佳人矜
薄媚妝成刻意教迴避 簾內屏山和恨倚簾外東風
又報新寒起瓶盎留春無好計分明辦取傷春淚

虞美人

回颺吹斷神山路青鳥期頻誤小樓昨夜又東風依約
瑤簫流怨月明中 強憑酒力支嬌困心事違山枕迷
離花外一聲鶯似說夕陽消息不分明

沈溪沙

研盡麝隄是淚痕祇將文字寫錁婷一回讀罷一傷神
明鏡不圓天上月綵豪空賦夢中雲當時應悔種愁

根

玉樓春

頑雲做暝燠地薄暖輕寒慵料理恨如芳草剗還生
歡似落花吹不起樓高辨得傷春淚彈與東風知也
未眼中難遣此時情心上都來前日事

踏莎行

辛夷已花閉門不出日與病樹翁小樓對坐有懷蒼

虬長春木公天津

沸海蛟龍鬧春蜂蝶等閒哀樂成飄瞥為誰費淚與河
山興亡燕子他年說朝閣延風宵簾佇月素心天末
三年別閉門相對兩閒人匆匆負了花時節

清平樂

寄題彥通屯雲館

綠陰簾幕隨分成耽閣一枕雲屏春夢覺不管東風輕
薄後庭玉樹歌殘新愁只在闌干消得蘭成詞賦眼
前何物江南

浣溪沙

瓶中折枝桃花

絢爛花枝寂寞春人綠窗紅笑換愁新
老夫作意一逢春
見處可能參聖解
折來誰與助嬌顰
風光銷得幾黃昏

昏

蝶戀花

初庵社長以和廖鳳老落花詞見示並邀同作
庭院深深深深幾許露種雲栽栽翦春工苦
消受光陰剛
百五玉皇恩重成輕負
不惜芳菲酬一廟
藻繪山川

才盡終無據回首一枝曾借處雕闌玉砌應如故
庭院深深深幾許羅蓋牙籤鈴索重重護佇苦停辛千
萬緒手中無那馨香故和淚將離和淚住無限柔情
此際難分付明日東西溝水去天涯倘有重逢處
庭院深深深幾許惆悵韋郎紅萼難為主一枕水晶眠
夢處撲簾萬點燕支雨粉蝶不知春已暮飛上枝頭
猶抱餘香住薄命自憐無好遇吹噓翻被東風誤
庭院深深深幾許處處人家盡日飛香絮目斷平蕪西
去路迢迢此恨無重數一片江山從付與啼鴉聲聲

紅入斜陽苦賸有空枝教折取尊前莫唱黃金縷
庭院深深深幾許新綠生時燕蹴紅英舞狼藉不辭宮
錦污墜樓人似當時否 墮珥遺簪香滿路買盡春心
不買韶光住歡唾離痕無覓處一生錯祀秦宮妒
庭院深深深幾許怕上層樓日日風兼雨怪底流鶯聲
不住春歸不解將愁去 不恨長門期又誤只恨無人
能讀相如賦脈脈此情誰與訴玉環飛燕拚塵土

冷芸詞卷下